




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.385/a







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.385/a





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.385/a



Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.0.385/a



DISPUTATIO THEOLOGICA  
*De*  
CHRISTI RE-  
GNO GLORIAE,

Occasione ἐξηγήσεως dicti.

*Luc. 22. vers. 29, & 30.*

Ἐγὼ διατίθωμαι ὑμῖν, καθὼς δέδωκέ μοι ὁ πατήρ μου βασιλείαν, &c.

INSTITUTA

*QVAM*

Sub Gloriosissimi REGIS propitio sceptro.

*PRÆSIDE.*

DN. IOHAN. SCHMIDT,

SS. THEOL. D. ET PROFESSORE ORDINARIO,

Conventus Ecclesiastici Præsidi h. t. Universitatis

RECTORIS Magnifico, Dn. Patrono & Præceptore,


multis nominibus venerando.

SOLENNITER tuebitur

M. JOHANNES FRIDERICUS

HEILBRUNNER, Ulm.

*Die Mensis horis locoq. consuetis.*




ARGENTORATI,

Typis Hæredum JOHANNIS ANDRÆ,

ANNO M, DC, XLIX.





SERENISSIMO, AC CELSISSIMO  
PRINCIPI ET DOMINO,

DOMINO

EBERHARDO,  
DVCI WIRTENBER.

GENSI ET TECCENSI, COMI-  
TI MONTISBELGARDENSI, DO-  
MINO HEIDENHEIMI-  
CO, &c.

PRINCIPI AC DOMINO MEO  
CLEMENTISSIMO,


HANC DISSERTATIONEM THEO-  
LOGICAM,

DEVOTISSIMO ANIMO,  
HUMILIMOQUE OBSEQUIO;

SACRAM ESSE VOLO

M. JOHANNES FRIDERICUS HEILBRUNNER,





DISPUTATIO SOLEMNIS,


DE

# CHRISTI REGNO GLORIAE!

Ex Luc. 22. vers. 29. &amp; 30.

Εὐὰ διαθήμαι ὑμῖν, καθὼς διέδωκό μοι ὁ πατήρ μου βασιλείαν, ἵνα  
ἰδῶντες ὑμεῖς πάντες ἐπὶ τῆς τελευτῆς μου, ἐν τῇ βασιλείᾳ μου.

§ I.



Postolus sub initium Cap. 2. Epist. ad  
Hebr. gravissimam ad amplexum Evangelij  
exhortationem instituens, Primum, vers. 1. Προοίμιον  
ex Cap. 2.  
ad Hebr.  
quæ de autore ejus & promulgatore Christo,  
ac hujus majestate præcedente cap. copiosius  
dixerat, tacite repetit: *Quod is Filius sit æterni*  
*Patris, ipsi coæternus, seculorum conditor; Redemptor, & Rex Ecclesiæ,*  
*angelis longè major & Excellentior, unde, quantâ attentione do-*  
*ctrina ejus audienda, meditanda, custodienda, per se pateat: mox*  
*vers. eod. & seqq. subjungit periculum, quod negligentibus im-*  
*pendeat, παραρροίαν praterfluxum, quo & cum fidei jacturâ, quæ*  
*perceperunt facile, instar vasis quod rimatum plenum est, & hac*  
*illac profluit, amissuri, & ipsimet, instar aquæ dilabentis, peri-*  
*turi sint, Deo ipso ex ore suo evomente. Cum enim legalis*  
*sermo, Angelorum ministerio promulgatus, firmus ratulq; ex-*  
*titerit, omnisq; ejus transgressio justam retulerit retributionem, lon-*  
*gè severius doctrinæ, ab ipso æterni patris Filio, ad salutem*  
*consequendam traditæ, contemptores iri punitum. Addit vers.*  
*3. & 4. Doctrinæ Evangelicæ ἀκατάλυτα, quam à Deo ipso habe-*  
*at, quippe qui eidem cælitus testimonium præbuerit per signa,*  
A porten-

A

porten-



In quo  
Christo  
subiectus  
dicitur  
mundus  
futurus.

Quid sit  
mundus  
futurus?

An hic or-  
bis mūdū

An Eccle-  
sia?

portenta, varias virtutes & Sp. S. distributiones. i. e. per miracula omnem naturæ vim superantia, per varia dona, Apostolis aliisq; fidelibus collata, qualia fuerant donum sanationis, Prophetiæ, linguarum &c. quæ omnia abundè comprobant, eam divinam & sacrosanctam, adedq; reverenter suscipiendam & amplectendam esse. Tandem vers. 7. denud ex dignitate & eminentiâ promulgatoris, promit argumentum, ac cum Judæorum plerique ided legem Evangelio præferrent, quod per Angelos data esset, ostendit, hisce Christum longè esse eminentiorem & potentiorum, utpote cui οἱ οὐρανὸν ἡ μέλλουσα, orbis terra seu mundus futurus subiectus sit, in quem Angeli nullum unquā imperiū acceperint.

§. 2. Quid per τὴν μέλλουσαν οὐρανὸν Apostolus intelligat, obscurius est, quam ut primâ fronte appareat, Unde variæ interpretum sententiæ. Ex Antiquitate Chrysost. homil. 4. ad Heb. Nunquid, ait, de altero aliquo orbe disputat? Non ita est: sed de isto præsentī, propter hoc etiam addidit: de quo loquimur, ne mentem auditoris errare relinqueret, dum alius quæreretur orbis: quomodo ergo eum futurum vocat? Nempe quemadmodum & alibi dixit, qui est forma futuri, de Adamo & Christo loquens, in epistolâ ad Rom. respectu temporum in quibus vixit Adam, futurum secundum carnem vocans Christum, etenim futurus erat: sic etiam nunc, quoniam dixit: quando autem introducit primogenitum in orbem terrarum, ne putares alium eum orbem dicere, ex multis hoc confirmat, eo ipso quod dicit futurum: futurus quippe erat orbis, Filius autem Dei semper erat: hunc ergo orbem futurum non Angelis subdidit, sed Christo. Hæc Chrysostomus: cui recentiorum quidam per omnia adstipulantur, nominatim Andreas Hyperius comment. in Epist. ad Heb. p. 88. & seqq. Ex Pontificiis Franciscus Ribera Jesuita, futurū hunc orbem Ecclesiam facit in his terris militantem. Orbem inquit, terra futurum dixit, quia novi homines futuri erant in mundo, novū seculum, nova Respublica; unde dictus Esaia 9. Pater futuri seculi. Ita etiam cum Ecclesia semper fuerit, nova Ecclesia in Christo incipere dicitur, sicut ipse ait Matth. 16. Ego dico tibi, quod tu es Petrus, & super hanc Petram edificabo Ecclesiam meam: Quoniam novus Rex apparebat & novas leges ferebat, ac nova Sacramenta & novam Rempublicam instituebat. Huius ergo Ecclesia sive huius novi orbis; (ipsa anim est, quam novum orbem appellat) Christum Regem constituit



ut Filium, Angelos vero non Reges sed ministros esse voluit, sicut dixit:  
 Nonne omnes sunt ministratores spiritus &c. Ut sit sensus: Vos. (He-  
 braei) estis initium huius orbis futuri, & huius novi seculi, quod non  
 Angelis sed Christo subiecit Deus: quare non legi Veteri parere de-  
 bis, sed Evangelium constanter retinere, cum non Angelis sed Christo  
 DEVS vos atque omnes homines subiecerit. &c. Non displicet  
 hæc opinio Riberae & Justiniano, comment. pag. 676. rei-  
 citur tamen à Cornel. à Lapide pag. 614. qui Valde improprie  
 inquit, & obscure Ecclesiam vocari orbem futurum, non ita unquam  
 in Scripturâ nominari. Idem opere ipso cum Ribera sentiunt, An tem-  
 qui nomine orbis futuri universum accipiunt tempus, quod ad si-  
 nem mundi succedit ab illo, quo Evangelium Christi captum est  
 annunciarum primum, & propagari. Hoc toto tempore, ajunt illi, futu-  
 ro Christus potestatem omnium accepit, & Dominus omnium consti-  
 tutus est. Orbi præteritus habuit legem, quamdiu illa vires suas habe-  
 re debuit, & Moses habitus fuit in pretio. At orbis futurus, qui novus  
 erit, per spirituales regenerationem habiturus est Evangelium perpe-  
 tuè duraturum, & cum orbem habebit Christus sibi subditum, solus  
 Christus ab eo pro Domino agnosceretur. Conf. Hyper. c. l. & Justin.  
 p. 637. Affines sunt & illi, qui Apostolum termino orbis futuri  
 respectum habuisse volunt, ad tempora Davidis, qui Psal. 8. de Christo  
 vaticinatus sit, & futurum dici propter restaurationem, quæ per Messiam  
 fieri debuit. Itemq; illi, qui ipsum Evangelium orbis futuri nomi-  
 ne insigniri, quia in universum mundum tempore N. T. propa-  
 gatum sit, arbitrantur. Conf. Hunnium comment. in Epist. ad  
 Hebr. cap. 2. p. 878. & Bald. hunc per omnia hæc sequentem, disp.  
 3. in Epist. ad Hebr. 1. paræ alter. p. B. 2. Walth. harm. p. 589.

§. 3. Pluribus tum veterum tum recentiorum orbis sive mundi  
 futurus, est seculum futurum, in quo regnum Christi plenè con-  
 summabitur, atq; idem, omnibus hostibus prostratis, gloriosissimo  
 triumpho, imperio, & Dominio, cum sanctis suis regnabit. Nunc  
 enim Christum nondum videri habere plenam potestatem, cum  
 etiam Diabolus, mors, peccatū, adhuc regnum in mundo suum,  
 modo suo habeant: at post extremum iudicium regnum ejus  
 ptoꝛsus consummatum iri, futurum per omnia integrum, nec ullis  
 amplius hostiū insultibus, obnoxium. Theodoretus duobus ver-  
 bis orbem terræ, inquit vitam futuram appellavi pag. 111. Theo-  
 phylact.



4

phylact. licet pro more Chrysostomum sequatur, addit tamen nonnulli per futurum orbem, futurum mundum intellexerunt, quando Angeli ut servi assistent, filius autem ut iudex sedebit p. 889. Oecumenius simpliciter: *futurus orbis, est futurus mundus.* pag. 327. Quem sensum verborum noster D. Gerhardus amplectitur, comment. in Epist. ad Hebr. cap. 2. pag. 48. *Ecclesia qualis post huius mundi abolitionem futura est, in cælesti gloriâ, orbis futurus est, de quo agunt Scriptura dicta* Esa. 65, 17. cap. 66, 22. Rom. 8, 21. 2. Pet. 3, 13. Apoc. 21, 1. *Huius futuri seculi Christus dicitur Pater,* Esa. 9, v. 6. *hic orbis est civitas futura, cuius artifex & conditor est Deus,* Heb. 13, 14. & 11. 10. quam expositionem etiam probat ex Apostolico scopo, qui sit, *Christi sacerdotium declarare, quod non huius sed futuri seculi bona spectet:* *Esse enim Christum Pontificem futurorum bonorum* Heb. 9, 11. Conf. reliqua Idem ex Pontificiis Estius statuit Cūment. pag. 417. quam sententiam iisdem fundamentis confirmat è Calvinianis Piscator in notis, & Franciscus Junius in Parallelis.

Sensus Apostoli  
scopo con-  
veniens.

§. 4. Forte nihil sive à Phrasi & verbi usu, sive à Scopo Apostolico alienum sentiemus, si omnia hæc jungamus, & Apostolum termino *παρόντος κόσμου* tum hunc præsentem mundum, in eoque in genere, quicquid is suo complexu continet, speciatim verò militantem Ecclesiam, quæ suum in mundo hospitium habet, tum futurum gloriæ regnum, comprehendere voluisse, statuamus. *Ὀικουμένην*, uti ex vi vocis constat, significat propriè eam huius mundi partem, quæ habitatur, atq; figuratè ipsos habitantes, quanquam etiam simpliciter pro toto terrarum orbe ponatur, Conf. Luc. 4, 5. cap. 21, 26. Act. 17, 31. Heb. 1, 6. Quo vocabulo singulari studio uti Apostolus voluit, ut ostenderet, se hunc præsentem mundum nolle exclusum, sed unà comprehensum. Id quod amplius allegatio, & applicatio Ps. 8, vers. 5. 6. 7. 8. confirmat. Qui, quod vel præcipuè huius mundi ad Christi pedes subjectionem describant, primus eorum intuitus planum facit: mentio enim in ijs fit *ovium, bovm, pecorum campi, volatiliu cæli, pisium maris*, &c. quæ omnia huius mundi sunt. Quod autem epitheton *παρόντος* addit, eo discrimen inter Christi regnū & quævis alia huius seculi regna constituit, tacitè innuens, omnia mundana regna, suas in hoc seculo habere periodos, certo anno.







batis, super mensam regni mei. Beza Ego pacifcor, vobis pro-  
ut pactus est mihi pater meus regnum, ut edatis & bibatis in men-  
sa mea in regno meo. Lutherus. Ich will Euch das Reich be-  
scheiden / wie mir mein Vatter bescheiden hat / das Ihr essen und  
trinken sollet / über meinen Tisch in meinem Reich. Dietenber-  
gius: Ich bereit Euch das Reich / wie mir das mein Vatter be-  
reitet hat / 2c. Piscator, Ich verordne Euch das Reich / wie mirs  
mein Vatter verordnet hat / 2c. Photinianus interpretes Ich be-  
scheide Euch ein Königreich / wie mirs 2c.

Occasio.

§. 7. Regni sui ac glorificationis cœlestis, Christus passio-  
ni jam & morti vicinus, aliquoties meminit, quem de terrenâ ali-  
quâ sive mundanâ gloriâ & regno, quale vel Davidicū vel Salo-  
monis fuit, locutum, Apostoli plurimis adhuc infirmitatibus,  
licet tot annos sapientissimo Magistro cohabitassent, obnoxii,  
fuerant persuasi; unde quod & pridem fecerant, conf. Matt. 18.  
vers. 1. Marc. 9, 33. de primatu in hujus mundi regno, inter se a-  
critter contendere cœperunt, aliis atque aliis, alias atque alias  
prærogativas, sanguinis propinquitatem, ætatis rationem, diu-  
turnam cum Christo conversationem, familiam, dona, & id ge-  
plura, urgentibus. Quam contentionem multis nominibus  
reprehensibilem, Christus blandis & amicis verbis compositu-  
rus, inter regnum suum & hujus mundi imperia, maximum esse  
discrimen, eoque simul, quod in gravissimo errore de regno suo  
Apostoli versentur, ostendit; quo facto ad humilitatem animiq;  
demonstrationem hortatus est, ut qui *maior velit esse fiat minor*, & qui  
principem locum ambiat, ministrum se præbeat reliquis. Cui ut  
tanto libentius morem gererent, suum exemplum quod inter i-  
psos veluti minister vixisset, considerandum proposuit, quo pa-  
cto tacite ipsis vanam ambitionem, ad quam animo concipien-  
dam, nullum prorsus in ipso vestigium unquam deprehendi-  
sent, exprobravit. Quibus amplissimam hanc præmii, *cœlestis*  
*nimirum regni atq; æternæ gloriæ promissionem* subjunxit, fore sc.  
ut, si ex fide bonis monitis obtemperarent, fastum, ambitionem,  
vana mundanæ dignitatis desideria, animis exuerent, humilita-  
tem ad exemplum suum sectarentur, non, quod alij plures fecis-  
sent, Joh. 6, 66. *abirent retrò*, sed porro etiam tentationes, cala-  
mitates



mitates contemptum, odia mundi, persecutiones, perseveranter ferrent, tandem aliquando ad gloriam non huius seculi, quæ fugax, inconstans, lubrica, periculosa, sed futuri, quæ perennis & æterna, eveherentur: gaudis non mundanis quæ dolore permista, nihil sinceritatis habeant, sed cœlestibus quæ omni metu atque impuritate libera, in infinita secula durent, perfruerentur.

§. 8. Cujus promissionis germanū sensum ut assequamur, circumstantiæ, quæ suo ordine sese offerunt, sigillatim sunt expendendæ. Quarum prima personā promittentē nobis sistit, *Christum* *Discipulis* qui Emphaticè Ego inquit, dispono vobis regnum. Omninò particula Ego hic peculiarem emphasin habet, quam Maldonatus, in antithesi Christi & Apostolorum sitam esse, ait: Vos pro me hoc fecistis, ut mecum in tentationibus meis permaneritis, Ego hoc vicissim pro vobis facio, ut disponam vobis regnum. Sed & aliud, quod gravius, subest; Extremus humiliationis & exinanitionis Christi jam instabat gradus, aderat hora, quā se ex æterno decreto, in crudelium licitorū & carnificum vincula, in iniquissimas injustissimorum iudicium manus, traditurus erat, futurus juxta Esaïæ Vaticinium cap. 53. & seqq. *despectus & novissimus virorum, Vir dolorum & sciens infirmitatem, in quo nec species, nec decor.* Unde in eam facilè opinionem discipuli aliq; fideles venire potuissent, quod & aliquo modo postea factum, jam actum esse, collapsam spem, quam in eo locarant, frustra institutionem regnī Israelis. frustra fructus ejus & beneficia tantopere desiderata, amplius expectari. Contra quod scandalum, ut animos præmuniret, nihil suæ Regiæ Majestati, Potentiæ, dignitati, etiam inter acerbissimos mortis cruciatus, & extremam ignominiam decedere, hæc voce Ego, testari voluit, ut sensus sit: Sum maneo-que ego, ille ipse, qualis consilio æterno, ante mundi exordium constitutus fui: Rex maneo & rerum omnium Dominus, si maximè servili formā incedam, & ad mortem usque crucis me humiliem, Omnia in manibus meis nunc quoq; habeo, omnia pedibus meis subjecta; ipsum cœlorum regnum, uti à me jam toti generi humano obediendo acquiritur, ita in manu meā est, quod cunctis in me perseveranter credentibus, maximè vobis, qui varias mecum tentationes hætenus constanter subistis, polliceor: passionēs istæ quibus me obijcio, regiam dignitatem & potentiam

non

2. Circumstantiæ,

1. Personæ promittens,

Emphasis in particula Ego,



non adimunt: sed ad eam plenariè exercendam, viam sternunt. State itaque, & quod hæcenus præstitistis, meum imitami per humilitatem exemplum, ut suo tempore, me in gloriam cælestem, & æterna gaudia intrantē, sequamini. Faxo ego, ut præstitæ ad temporis huius momentum constantiæ, æterna præmia percipiatis. Ergo hæc particulâ demonstrativâ *Ego* quantum in se, discipulorum animos excitat, ut memoriâ, quæ jam dudum crebrius & audivissent, & credidissent, & confessi essent, repetant: habere se Magistrum, qui sit filius Dei vivi, qui sit Rex Israël, uno verbo qui sit Messias, ab origine mundi promissus; atque inde certi sint, fore, ut, quod fide expectent, suo tempore, non obstantibus persecutionibus, ex voto sint consecuturi. Similem vocolæ huius emphasin habent verba consolationis plenissima apud Esaim cap. 46. 4. ubi Jehova Filius *ego ipse* inquit, *vos fideles usq; ad canos & senectam in utero portabo, ego feci & ego feram, ego portabo & salvabo.* Conf. Gen. 17. v. 1. cap. 26. 24. Exod. 3, 6. Esai. 41. 4. c. 34. v. 3. 5. Matt. 5, 22. & seqq. c. 11, 28. Marc. 6, 5. c. 9, 25. Joh. 6, vers. 20, 35, 48. c. 10. 11. 14. Act. 9, 6. Porro sicut hoc in loco *ἐμπατὴρ ἐστὶν*, ut ex Christi imâ exinanitione in contemplationem & cultum summæ majestatis assurgamus, monet, ita alibi pari significationis pondere, ex summâ maiestate in extremam humilitatem, ut eam piè imitemur, deducit. Pl. 22. v. 7. *Ego sum vermis & non homo, opprobrium hominum, & objectio plebis &c.* Sensus est: Ego qui sum æterni Patris unigenitus & consubstantialis filius, per quem mundus conditus qui alijs salutem præstat, verbo virtutis suæ, &c. sum (ô rem stupendam) abjectissimus, ut vermibus potius qui conculcantur, quàm hominibus, annumerandus videar; conf. Esai. 45. vers. 11. & 24. *Ego sum Jehova, servare me fecisti &c.* cap. 50. vers. 1. 5. & 6. Hæc dicit Jehova: *Ego corpus meum dedi percutientibus &c.*

2.  
Regnum  
promis-  
sum.

Non  
Potentia.

§. 9. Sed quod & quale est regnum, quod pollicetur Christus? Omne ne illud, quod à Patre ipse met accepit, adeoq; & potentia regnum, ut discipuli aliiq; fideles in societatem veniant administrationis totius universi, dominantur à mari ad mare; & possessionem habeant terminorum terræ Pl. 72. v. 8. & 2, 8? Minime omnium. Non enim quæ indefinitè Christus profert, in universalitatem sunt extendenda. *Regnum* ait vobis *dispono* non absolute



9

Iudē omne regnum. Venit Christus in mundum, ut credentes  
 saluaret, non ut universi Dominos faceret, cuius potestatis neq;  
 capaces sunt, quæ soli Deo propria, nemini extra Deum commu-  
 nicata est. Fortē igitur *gratia regnum* in militante Ecclesia in-  
 telligit, in quo pij per ipsum, & vi ejus meriti Domini sint, & in  
 peccatum. Sathanam, mortem, omnesque hostes spirituales im-  
 perium habent, iustitiā, vitā, spē certā salutis gaudentes? Ita  
 quidem non incommodē verba Christi accipi posse, Ex Pontifi-  
 ciis Salmeron putat. tom. 9. tr. 45. p. 373. cuius verba sunt: *Hec de*  
*regno Christi in Ecclesia militante exponi possunt, quia apostoli sunt*  
*primi, qui sedent in mensa Eucharistia, cuius consecratio primum A-*  
*postolus est credita & dispensata, & iudices Iudeorum effecti sunt, per*  
*traditam sibi potestatem clavium, & auctoritatem remittendi ac*  
*retinendi peccata.* Ex Calvinianis Beza in notis pag. 320. Cum  
 inquit *Vox hebraea* מלכות *de omnibus inter vivos pactus dicatur, & to-*  
*tus iste sermo caperit ex eā controversia, qua inter illos duodecim de pri-*  
*matu exorta erat, apparet, de illo caelesti regno, cuius particeps erunt*  
*pro suo modulo omnes credentes, ac proinde de illo fœdere seu testa-*  
*mento hic non agi, sed de Apostolica in huius regni administratione, id*  
*est in promulgando Evangelio, & constituendo per orbem terrarum*  
*Ecclesiis auctoritate, quam ipse ad Patrem abiens, ipsis committat, eā-*  
*dem quam illam a Patre acceperat conditione, nunquam ipse discedens à*  
*voluntate Patris, non quicquam ut à seipso loquens, quoniam fuit Ev-*  
*angelij minister & puerus &c.* Ex nostratibus gravissimus  
 Brentius, utrumq; regnum & gratia & gloria a Christo conjungi, u-  
 trumq; promitti, adeoque de utroque verba commodē explicari  
 posse arbitratur. Cogites inquit, pag. 1453. tom. 5. mihi, quid  
 per regnum intelligendum sit, vox subiiciens: Regnum cœlorum a-  
 liquoties tempus illud dicitur, quo in hoc seculo publicē prædicatur Ev-  
 angelium de Iesu Christo qui est Monarcha regni cœlorum: Aliquo-  
 ties Regnum cœlorum dicitur, quo beati in altero seculo fruuntur per-  
 petua felicitate, utcumq; de regno cœlorum loquar. Apostoli semper,  
 non quidem carnali, sed suo quodam spiritali & divino modo, edunt  
 & bibunt, sapor mensam Christi in regno eius. Nam his verbis expli-  
 catur summa felicitas, si enim de regno cœlorum loquar, quo Evange-  
 lium Christi in orbe terrarum per apostolos revelatum est, certe Apo-  
 stoli dicuntur semper cum Christo sapor mensam sedisse & bibisse, etiā  
Nec gra-  
tia.

B

in hoc



*in hoc seculo, propterea quod Christus semper eos spiritu suo præsens, in omnibus adversis conservavit & confirmaverit &c. pag. seqq. Quod si verò loquendum est de regno cælorum, quo p̃i perpetuo in futuro seculo fruuntur, sedent & ibi Apostoli cum Christo in mensâ ejus, & summa felicitatis, quam nulla humana lingua explicare possunt, participes redduntur.*

Sed gloria,

§. 10. Non morosè hæc suggillamus, (maximè quæ ex Dn. Brentij commentariis allata modo sunt,) minus damnamus, à fidei nim analogiâ nihil alienum continent. Interim tamen, si & Christi intentionem, & rationem phraseos spectemus, alia etiâ parallela Scripturæ loca conferamus, rectius *de solo gloria regno*, quam vel de solo regno gratiæ, vel de utroque conjunctim gratiæ & gloriæ, verba accipienda esse, apparet. De primatu, dignitate, gloriâ, felicitate, in regno mundano, quod Apostoli vanâ persuasionem conceperant, contenderunt, nō de ferendis indocendo laboribus. Avocat ipso Christus ab inani expectatione, & tamen simul regnum pollicetur, regnū longè omnib⁹ hujus seculi felicius, gloriosius, bonis abundantius, quod in cælo paratū sit: Non, ipso operè ait, *dispono vobis regnum terrenum, sed cælestē; non faciam vos principes terræ, sed cæli: Reges huius seculi non invitabunt vos ad mensas suas, sed potius truci dabunt, Ego autem efficiam, ut perpetuò in regno meo super mensam meā edatis & bibatis. Quid hæc maiestate & felicitate excellentius?* &c. Conf. Brent. p. 1452. Deinde non de eo Christus quod Apostoli vel jam præstiterint, vel modo præstent, sed quod suo tempore ipse sit præstiturus, loquitur: adeoque res futuras pollicetur: officia autem Apostolica jam acceperant, iisdem certo modo erant functi, docuerant, ediderant miracula, Luc. 9. v. 1. & seqq. modo etiam mensæ Christi assederant, ac sacratissimi corporis, & sanguinis ejusdem facti erant participes. De his itaque commodè intelligi nequeunt, sed de alio regno nondum præsentē, de alio cibo & potu, qualem hactenus nondum percepissent, qui quidem paratus esset & dispositus, sed nondum appositus. Ipsum nō edere & bibere, de quo paulò post, suum quidem locum etiam in regno gratiæ habet, & vel sacramentale est, olim in V. T. in agni paschalis commestione, hodiè in Sacrae Domini Cœnæ celebratione, vel spirituale, quod fide perficitur, de quo Joh. 6. Sed non neces-



necessario, ubi ejus sit mentio, sive illud sive hoc intelligendum. Cœleste enim insuper Scriptura passim promittit, quod nec sacramentale est nec spirituale, nisi latius vocabulum sumatur. Ex cujusvis itaque textus circumstantiis, de germano verborum sensu, judicandum: quod si hîc fiat, nec sacramentalis nec spiritualis cômestio aut bibitio, ob allatas rationes, admitti poterit: manet sola cœlestis, Christi merito parata disposita, futura. Id quod amplius confirmatur, si consideremus, nullibi in sacris literis Apostolorum officium, aut in genere omnium Ecclesiæ pistorum, quod in docendo per terrarum orbem Evangelio, & administrandis sacramentis occupatur, verbis comedere & bibere describi, licet auditoribus verbum fide percipientibus & amplectentibus, hæc spirituali sensu tribuantur. Conf. præter Joh. 6. cap. 55. Esa. v. 1. Prov. 9. v. 5. Ex collatione Matth. 8. 11. res tota evidens est, ubi Christus heroicam Centurionis Capernaïtici fidem admiratus, *dico vobis inquit, multi venient ab Oriente & Occidente, & recumbent cum Abrahamo, Isaco, & Iacobo in regno cœlorum.* Sanè de vocatione gentium ad Ecclesiam & regnum gratiæ, hæc etiam Christi verba, & ab antiquioribus & recentioribus Scripturæ interpretibus accipi novimus, ex August. serm. 6. de Verbo D. tract. 16. in Ioh. Hunnio tom. 3. operum pag. 163. Lyser. harmon. Evang. cap. 53. pag. 29. & seqq. & aliis, quibus & nos libenter ad stipulamur, sed ita, ut eandem implicite hîc contineri, & potius præsupponi, quam directe prænunciari, statuamus. De aggregatione electorum ex gentibus ad latera Abrahami, Isaaci & Iacobi in regno gloriæ, propriè & directe sermo est, quia verò ad tantam beatitatem nemini via patet, nisi qui prius in hac vitâ fidelis regni gratiæ civis, ad exemplum piorum Patriarcharum, extitit, idè hâc ratione verba etiam ad regnum gratiæ non incommode referuntur, ut sensus sit: multi ab oriente & occidente ex gentibus à Iudaicâ Ecclesiâ jam remotissimis, per Evangelium ubique locorum prædicandum convertentur, & sic conversi, post hanc vitam eiûdem cœlestis gaudij, quo nunc beati Patriarchæ fruuntur, fient participes. Quod verò non de regno gratiæ, sed gloriæ Christus propriè loquitur, vel ex solâ antithesi, v. 12. liquet, quo regno cœlorû extrema tenebræ, ubi fletus est & stridor dentium, opponuntur, quæ verba



descriptionem non status extra gratiam & Ecclesiam, in hac vitâ; sed ipsius inferni & æternæ damnationis continere, ex omnium locorum, ubi phrasis ea invenitur, collatione, constat. Conf. Matth. 13. v. 42. & 50. cap. 22. v. 13. cap. 24. v. 51. cap. 25. v. 30. Luc. 13. v. 28, unde necessariò sequitur, vers. præced. non gratiæ sed gloriæ regnum propriè intelligendum esse, ut sensus sit: fideles & electi ex gentibus, cum Patriarchis vitæ æternæ hæredes sunt futuri, plurimi autem Iudæorum, qui scil. oblatam gratiam respuerunt, æternum damnabuntur. Conf. Luc. 13. v. 28. & seqq. ubi hæc verba à Christo repetita, non nisi de regno gloriæ sumi posse, ex toto contextu tam est manifestum, ut vix sit, qui aliter sentire audeat.

A quo dispositum,  
se à Patre.

§. II. Porro, à Patre suo hoc gloriosum beatæ vitæ regnum, quod fidelibus pollicetur Christus, sibi dispositum esse, ait: Hic enim, quia *τὸς θεὸς τὸν υἱὸν ἀγαπᾷ*, quia ex hoc ab æterno ineffabili modo genitus est, & cum Essentiâ omnem majestatem habet, idèdque omnia ad eundem, quæcunq; modo quocunq; sive secundum divinam, sive secundum humanam naturam possidet, loquitur, facit, plerunque referre solet; à se nihil proferre, efficere, & ne posse quidem, ait: quod apud Evangelistam Johannem frequentius, quam reliquos fieri, notum est. Conf. cap. 5. v. 19. *Non potest filius à se facere quicquam, nisi quod viderit Patrem facientem*, & iterum v. 30. *non possum à me facere quicquam*, eodem cap. v. 6. *Mea doctrina non est mea, sed eius qui misit me*, vers. 28. *à meipso non veni*, cap. 8. v. 28. *Ex meipso facio nihil*, cap. 12. v. 49. *ex meipso non sum locutus &c.* Quæ omnia, ut & imprimis textum nostrum, olim Ariani ad destruendam inter Patrem & Filium in divinis æqualitatem detorquere consueverunt. Conf. ex Veteribus Idacii Clari librum adversus Varimadum Arianae sectæ Diaconum tom. 4. magnæ biblioth. Patr. pag. 630. C. Sed si singula ritè ad fidei regulam, & cum aliorum locorum collatione, ponderentur pleraque potius ad æqualitatem Patris & filij adstruendam facere, conspicuum evadit. *Quod enim ex seipso nihil se posse facere, nihil loqui &c.* Christus ait, ejusdem sese cum Patre esse naturæ, virtutis, majestatis, potestatis esse, intimam inter se Patremque atque Essentialem *ὑπερῶς ὄντα*, eandem voluntatem, &c. innuit, adedq; quod alibi, Ioh. 10. v. 30. *Ego & Pa-*



*ser unum sumus*, ait, luculenter confirmat. Nequaquam enim  
*τὸ non posse facere*, hic notat aliquam *ἀδυναμίαν* imbecillitatem,  
 imperfectionem, quo pacto legibatur, Ioh. 15. vers. 5. *sine me ni-*  
*hil potestis facere*. Conf. 2. Corinth. 3. vers. 5. Sed potius, cum  
 de Deo simpliciter prædicatur, summam perfectionem naturæ  
 eodem modo operantis, ut aliter se habere nequeat, quâ ratio-  
 ne aliàs *ἀδυνατῶν* dicitur Deum mentiri, cum sit *ἀψευδής*, Hebr. 6.  
 v. 9. Tit. 1. v. 2. De Christo cum usurpatur, exprimit, ut mo-  
 do dictum, ipsius ac Patris, & essentia, & potentia, & voluntatis,  
 & operationis, identitatem, unitatem, inseparabilitatem ac si-  
 mul *ἰσότητος ὁμορφίας*, quod nimirum Filius, sicut non est à se, sed  
 à Patre, ita quoque à se non agat, sed à Patre. Ac utrumque ob  
 dictam rationem verum est: *non potest quicquam in divinis Filius*  
*facere à se, & non potest non, quod Pater facit, idem & ipse Filius fa-*  
*cere*; unde statim subicit: *Quacumq; Pater facit*, (ad extra sc.  
 nam operum ad intra ratio alia est) *eadem*, prorsus omnia ut ni-  
 hil excipiat, *ἰσότητος similiter*, non disparitate quâdam aut inæ-  
 qualitate, sed ex eadem essentia, sapientia, libertate, potentia, fa-  
 cit Filius. Accuratè Euthym. & præclarè in h. l. *Hic, qui sunt in-*  
*tellectu crassiores, potentia minorationem præ se fert hic sermo, subti-*  
*libus autem aequalitatem potius & identitatem.* Non potest Filius  
*facere à se, non ab potentia defectum, sed propter inseparabilitatem:*  
*Nam impossibile est Filium quicquam facere quod non facit Pater,*  
*quia non est alia Filij potentia, ab eâ quæ Patris est, &c.* Confer  
 quæ prolixè & graviter commentatus est Chemnitius lib. 3. Har-  
 mon. cap. 46. Ad textum nostrum hæc applicari, (si eundem  
 de Christo etiam juxta divinam naturam considerato, accipere  
 velimus) forte non incommode possunt, ut sensus verborum  
 sit: Ex me non sum Rex gloriosus, nullum habeo gloriæ re-  
 gnum: à patre est, quod vobis polliceor. Is me Filium suum  
 tibi coessentiali ab æterno genuit, eâque generatione omnia  
 quæ possidet, mea mihiq; communia fecit, ut verè dicere pos-  
 sim, omnia quæcumq; Pater habet, mea sunt, Ioh. 16. v. 15. atq; hinc  
 etiam Regia gloriæ & majestas, gloriæque regnum. Est ille  
 gloriæ Pater, Ephes. 1. v. 17. à quo & cuius est omnis gloriæ & re-  
 gnum: Ex quo fonte ego Filius ab æterno habeo, ut & ipso in  
 eadem majestate, idem cum ipso gloriæ regnum administrem,  
 seu gloriosè regnem.



§. 12. Malumus tamen verba *de Christo quâ homine ac-*  
 cipere, quo nos & circumstantiâ contextus, & vis vocabuli *Christo,*  
*Christo,* deducunt. Humilitatem suam, vers. 27. præcod. ut in eâ  
 qua homi-  
 ni disposi-  
 tum, tanquam speculo, Apostoli, quid se deceret, contemplarentur,  
 proposuerat: ministrum sese, vel qui instar ministri tamdiu inter  
 ipsos vixisset, usque ad eâ, ut & pedes illorum lavâset, iixerat:  
 Cum esset Dominus & in forma Dei, servum se factum esse, & ad  
 ima officia se abjecisse, monuerat. Quæ omnia quod de Chri-  
 sto tantum juxta humanitatem intelligenda sint, & per se cla-  
 rum, & alibi contra eos, qui Christum juxta utramque naturam  
 exinanitum sive humiliatum fuisse, periculosè docent, ostensum  
 est. His statim subiicit regni à Patre *ad eam* ut inde intelligant,  
 humiliationem illam esse spontaneam, & talem exinanitionem,  
 quæ quidē continuum Domini usum & Regiæ potestatis usur-  
 pationem juxta carnem non ferat, interim ipsam dignitatem  
 & regni possessionem, quâ ut homo ditatus sit, non auferat: Cui  
 per omnia simile est, quod peractâ pedum Apostolicorum lotio-  
 ne, quâ vix aliquid servilius, surgens: *Vos ait me vocatis Magistrum*  
*& Dominum, & benè dicitis, sum etenim.* Ubi sensus, cum, ut ante  
 publicam officii administrationem, sic toto hoc tempore, quo vo-  
 bis sum conversatus, vos aliosque docui, & Evangelium per lu-  
 dam prædicavi, humiliter juxta carnem meam me gesserim, in  
 paupertate vixerim, famem, sitim, contemptum, sustinuerim, &c.  
 non tamen quod jam feci, ad pedum vestrorum me demisi lotio-  
 nem; Nolim autem, existimetis, hâc ad tam servile officium  
 abiectione, me meorum officiorum deposuisse dignitatem, ad  
 quam juxta humanitatem meam evectus sum, stat ea mihi sine  
 jacturâ; sum, dum lavo pedes vestros, etiam quâ homo. *Magister*  
*vester,* cœlesti, ut nollis, voce, à Patre vobis commendatus, ut me  
 docentem audiat, mihi credatis, morem geratis, exemplum  
 meum imitemini. Sum præterea *Dominus,* iterum quâ homo,  
 idq; non vulgari & gregariâ ratione, meris hominibus conveni-  
 ente, sed singulari ac Deo propriâ. Dominus sum rerum o-  
 mnium, *omnia quippe in manus meas à Patre mihi tradita sunt:* Do-  
 minus imprimis vester, omniumq; fidelium, quos in regno gra-  
 tiæ defendo, foveo, amplissimè orno donis. Dominus etiam  
 gloriæ, qui vos aliosq; pios, suo tempore, ex hoc gratiâ, in glo-  
 riâ



rire regnum translatos, celesti æternæque beatitudine coronaturus sum. Ergo sibi hoc loco ut homini Christus dispositum regnum esse ait, quo etiam verbum *δίδωμι* tendit. quod non nisi improprie ad communicationem divinæ maiestutis per æternam generationem, ante mundi exordium factam, applicari potest. Cum varios aliâs usus verbum *διδωμι* habeat, qui apud Lexicographos inveniuntur, crebro etiam latinis idem est quod *testari*, seu *testamento aliquid disponere* tanquâ hereditarium bonum. LXX. plerumque ijs locis, quibus pactum à Deo cum hominibus per amplissimas promissiones initum sive sancitum describitur, usurpant. Conf. Gen. 15. v. 18. Exod. 24. v. 8. Deut. 4. v. 23. cap. 5. v. 2. Ps. 89. v. 4. Eccl. 5. v. 3. Jer. 31. v. 33. Nec non de hominum inter se conventionibus, Gen. 21. v. 27. & 32. cap. 26. v. 28. cap. 31. v. 44. Ios. 9. v. 15. Respicit igitur Christus ad æterni Patris promissa, sibi quâ homini de regiâ dignitate & potestate facta, inter quæ eminet. Ps. 2. 6 & 8. *Ego constitui regem meum &c. Postula à me & dabo gentes hereditatem tuam, & possessionem tuam terminos terræ.* Conf. Psal. 72. v. 8. *Dominabitur à mari usque ad mare, &c.* Ps. 89. v. 26. seqq. *ponam in mari manam eius*: id quod Syrus clarius exposuit, qui Græcum *διδωμι*, verbo quod proprie *promisit seu pollicitus est*, reddidit. Accedit, quod dum, quo modo Apostolis aliisque fidelibus regnum sit dispositurus, eo ipso à Patre sibi quoque dispositum regnum esse, ait, tacite omnes calamitates & passiones, per quas in gloriam ingressurus sit, innuat; adeoque hoc ipso simul in naturam, secundum quam talia exantlanda, humanam sc. digitum intendat. Sensus ergo est: *Æternus Pater, cujus etiam juxta humanam naturam, per & propter unionem personalem unigenitus sum & naturalis filius, me, qui, quâ Deus, idem cum eo Rex sum æternus, etiam quâ hominem Regem constituit, ad Regiam Majestatem, ad exalste regnum juxta promissionem suam evexit, quod unâ cum ipso jam in manu meâ habeo, & ita quidem, ut, quotquot fideles mei sunt discipuli, & in me credunt, gloriæ meæ certo modo participes reddere possim & decreverim.*

§. 13. Pertinet huc quaestio, *an paternâ gloriâ regni, quâ ab æterno facta sit, ut Christus idem in tempore passionis suæ & obedientiâ sibi ipsi acquireret ac mereretur?* Affirmat non obscure

An Christo regnū ita dispositum, ut in tempore mereretur



obscure in h. l. Hugo Grotius, cujus hæc est verborum Christi  
*patris peris : Pater mihi addixit regnum acquirendum per toleran-*  
*tiam rerum adversarum.* Quæ ipsa Pontificiorum & Scholastico-  
 rum in Papatu est sententia; quorum nomine Bellarm. lib. 5. de  
 Christo Mediat. cap. 9. Dicimus, inquit, Christum meruisse sibi illa  
 omnia, quæ accepit post passionem suam. Sententia etiam Zanchij  
 lib. 1. Epistol. tom. 8. oper. pag. 72. & Piscatoris, qui ad verba  
 Philipp. 2. v. 2. propterea etiam &c. scribit : *Ex his verbis disci-*  
*mus, Christum obedientia passionum suarum & mortis promeruisse*  
*sibi futurum honorem, &c.* Quem strenuè sequitur Ravensperge-  
 rus pentade 5. Censura de illust. Theol. qq. questione 2. ubi &  
 Bullingeri serm. 27. in Apoc. allegans, ait: *Duo sunt, quæ Christum*  
*sibi meruisse statumus, videlicet vita æterna & summa illa ac singula-*  
*ris gloria, quæ pro filio Dei ab omnibus rationalibus creaturis agnosci-*  
*tur, ac proinde ut unus Deus adoratur, quarum illæ sibi meruit ob-*  
*servazione legis, hanc verò per multas passiones.* Ex parte etiam Mar-  
 tin. in Christianâ & Catholi. à fide, lib. 2. cap. 16. p. 546. Qui ad  
 questionem, *an Christus sibi meruerit gloriam?* post nonnulla,  
 quibus negativam amplexus esse, vult videri, sed tamen ait meri-  
 tus est sibi gradum aliquem in salute altiore, qui nempe ei neq. se-  
 cundum justitiam debitus, neq. datus fuisset, nisi redemptoris & Me-  
 diatoris manus; in exinanitionis statu obisset. Egrè desecit Rivetus:  
 in cap. 53. Ela. pag. 469. ubi nollemus ait præstare negare, ratione  
 gloriæ corporis, & exaltationis Christi, obedientiam eius habere veram  
 & propriam rationem meriti. Mox addit : *Cum legis promissio vi-*  
*tæ adiudicet ei, qui fecerit quæ mandata sunt homini, quidni suâ obe-*  
*dientia sibi vitam æternam Christus acquisivisset?* Et Chammier pan-  
 strat Cathol. tom. 2. pag. 131. qui scribit : *Sententia nostra est, non*  
*esse de hoc articulo contendendum, sed præstare, si nunquam movere-*  
*tur questio, aut si non possit cohereri humana curiositas, quæ sibi in-*  
*dulgeat, ut caveat definire.* Nos, quando sententiam nostram aperi-  
 mus, moderatè timide, id facimus, &c. Cordatio Calvinus est  
 lib. 2. institut. c. 17. §. 6. p. 181. ubi posteaquam copiosius proba-  
 vit, Christum sua obedientia verè nobis gratiam apud Patrem esse pro-  
 meritum ad questionem, *an sibi ipsi meruerit?* quid opus fuit, ait,  
*descendere ad nomen Dei patrum, ut sibi acquireret quicquam novi? Non*  
*Filij utilitati consulisse dicitur Pater in eius meritis, sed cum tradi-*  
*disse*



disse in mortem, neq. pepercisse, quia mundum diligeret: & notanda sunt locutiones Propheticae: puer natus est nobis &c. inde enim colligimus, rationem non habuisse sui; idq. clarè affirmat dicens: pro illius sanctifico meipsum: se enim sibi nihil acquirere testatur, qui fructum sanctitatis suae, in alios transfert &c. Sic per omnia orthodoxè h. l. Calvinus quem sequuntur Marloratus in cap. 4. ad Gal. Polan. syntag. lib. 6. c. 26. p. 424. seqq. Prolixè contra Bellarmin. disputat Pareus, in cap. 8. ad Rom. pag. 792. & cap. 2. ad Hebr. pag. 112. Quod si per omnia Sacrae Scripturae testimonia, quae finales Christi incarnati, passi, crucifixi, causas exponunt. examus. nulli-bi vel vestigium, quo ad opinionem Bellarmini, Piscatoris, & qui his aditipulantur, Christum scil. sibi, ipsi propriè meruisse glo-riam, ducamur, invenimus. Conf. Esa. 9, 6. Zach. 9, 9. Matth. 12, 11. Luc. 19, 10. Joh. 12, 46. Gal. 4. v. 4. & 5. 1. Tim. 1, 15. 1. Joh. 3, v. 8. Quae sigillatim aliàs explicantur, & vindicantur. Per to-lerantiam rerum adversarum, quae Grotij verba sunt, Christum in gloriam suam ingressum esse, & hoc pacto ipsi regnum dispositum fuisse, novimus & amplectimur, sed quod eadem tolerantia, sibi regnum & gloriam propriè acquisiverit, non legimus. Ecclesiam san-guine suo, adèdque acerbissimorum cruciatuum, & mortis ipsius tolerantia acquisivit. Act. 10, 28. unde fideles dicuntur populus acquisitionis, 1. Pet. 2, 9. non sibi gloriam, quippe quam ex gratia consecutus est. Phil. 2, v. 9. In nos homines fructus, passionum exaltatarum redundat, non in ipsum patientem; quanquam passiones superatas, ex decreto divino, gloria secuta sit: de quo ordine, ipse loc. cit. Christus loquitur, ut & Luc. 17. v. 24. & 25. itemque Petrus 1. Epist. 1, v. 11. juxta quae testimonia, etiam dicta Phil. 2, v. 9. Hebr. 2. v. 9. sunt explicanda. Conf. Gerhard uber. exeg. loc. 4. de personâ & Offic. Christi §. 330. p. 1574. seqq. di-sput. de resurrect. §. 39. & seqq. Feurbor. Fasc. 4. p. 388. & fascic. 5. pag. 85.

§. 14. Sed non nihil propius ista paterna *diabasis* inspicien-  
da est. ut, *qualis ea hoc loco sit*, accuratius percipiatur. Vocabuli *diabasis* usus, apud & profanos, & sacros Scriptores, multiplex dispositio  
& varius est. Interdum enim latè significat compono dispono,  
alias administro. operor, efficio, itemq; concorditer constituo,  
ut & venale expono, venundo: tandem testor, aut testamento ali-

C

quid



18  
 quid heredibus mando: quas significationes etiam plerasque,  
 nomina διαθεσις & διαθήκη, diversis in locis habent, ut dispositi-  
 onem, administrationem, operationem, testamentum, fœdus &c.  
 notent. De profanis Lexicographi videantur. Inter sacros LXX.  
 nonnullis editionibus. (nam Vatablus & Regia aliter habet,)   
 voce διατίθεμι reddiderunt Hebræum יָחַד, quod & multiplicis u-  
 sus est, Hof. 11. v. 8. τί σε διαθῶ ἐφαίμ &c. item כִּי in Hiphil  
 Gen 9. v. 17. τὸ σημεῖον τῆς διαθήκης ἡς διαθήκην &c. כִּי ibid.  
 in Hiphil 1. Paral 19. v. 19. οἱ παῖδες Ἀδὰμ ἐξ ἐπὶ διέθεντο μετὰ Δαβὶδ.  
 In N. T. præter hunc nostrum locum, in Actis Apostolicis semel,  
 in Epist. ad Heb. aliquoties, & semper quidem nomini διαθήκη  
 adjunctum legitur, ac ubique adhibetur ad descriptionem fœ-  
 deris gratiæ, quod cum Patriarchis eorumque posteris, totoq; hu-  
 mano genere, Deus inijt, in quo Messiam Filium suum, salvato-  
 rum & redemptorem promisit, ac per eum & propter eum, o-  
 mnibus in ipsum credentibus, remissionem peccatorum, justi-  
 tiam, & vitam æternam, est pollicitus. Hoc loco, pro diversi-  
 tate personarū de quibus usurpatur, omninò diversimodè, (non  
 obstante particulā καθώς, quippe quæ non semper, imprimis hoc  
 textu, nullo modo simplicem æqualitatem indicat,) accipienda  
 est. Nam aliter à Christo discipulis, alijsque pijs & fidelibus, ali-  
 ter Christo ipsi, à Patre facta est regni διαθεσις. Illis hoc modo, ut  
 Christum Messiam, unicum mundi salvatorem agnoscant, ut in  
 eum firmiter credant, omnemque in ipsius merito collocatam  
 habeant consequendæ salutis fiduciam, ut ex fide, ipsius sequan-  
 tur exemplum, imitentur virtutes, cruci & calamitatibus hume-  
 ros suos submittant, &c. ac in his omnibus constanter perseve-  
 rent. Longè aliter Christo Dei Filio; cujus ratio ut intelligatur,  
 retrò in ipsam æternitatem, eundum est, in quâ ante jacta mun-  
 di fundamenta, initum divino modo de genere humano, cujus  
 lapsus prævisus fuit, redimendo consilium, factum decretum,  
 ejusque suo tempore exequendi, ordinata & constituta media:  
 ubi salutis nostræ jam tum cum æterno Patre & Spiritu Sancto,  
 sitientissimus Dei Filius, sese Mediatorem obtulit stetitque, ac in  
 se recepit forè, ut cum ex creaturis frustra humanum genus au-  
 xilium expectaturum esset, ipsemet sese hominibus mixturus,  
 eorum



eorum in personæ unitatem assumpturus naturam, in eâq; ipsorum peccata, sanguine & morte sua expiaturus, satisfactorius legi, iram placaturus, iustitiam & vitam acquiraturus, quam per Evangelium omnibus toto orbe mortalibus oblaturus, credentibus autem ipso opere collaturus esset. Accessit divina *insensata*, placuit ex infinita sapientiâ subministratum consilium, & oblaturum ex immenso amore auxilium: factus est communi beatissimæ Trinitatis voluntate, & destinatus omnibus hominibus Filius Dei, *sapientia, iustitia, sanctificatio & redemptio*. 1. Cor. 1, 30. Simul tamen liberè decretum, ut, cum clementissimus Consiliarius, & futurus auxiliator, plurimas in carne assumenda injurias, contumelias, contemptum, paupertatem, cruciatus, mortem ipsam, & quidem crudelissimam acerbissimamque, (quæ omnia pro peccatis humani generis *ἀνθρώπων* futura essent,) subiturus sit, atque exanilaturus; idem etiam, juxta eandem, adedque ut homo quoque, cunctis, quæ superanda essent, superatis, ad maiestatem divinam, gratiosè exaltetur, & tum totius universi, retrumque omnium creaturarum, potentissimus moderatores, tum Ecclesiæ in terris militantis, benignissimus Monarcha, tum regni in cælis beati, gloriosissimus Rex fieret. Atque hæc est ad Scripturæ Sacræ, fideique analogiam ductum, illa *διαθεσις*, quæ Christo Dei Filio, regnū ab æterno dispositum, ad cujus maiestatem, etiam quæ homo, in tempore evectus, cujus administrationem actuali, ex ordine divinitus constituto, suscepit, in quâ hodieq; versatur, mansurus Rex in omnem æternitatem. Vnde sat patet, quantum inter *διαθεσιν* hanc, quæ ipsi, & alteram, quæ Apostolis, & fidelibus regnum dispositum est, discrimen agnoscendum.

§. 15. Ad *cives huius regni*, duce Christo & textu nostro, progredimur: qui hîc sunt Apostoli, ad quos, sedatis nonnihil inter ipsos ambitiosis affectibus, Dominus, Ego inquit, *dispono vobis regnum*. Apostolos autem dum dicimus, *non intelligimus primum omnes*, qui ad Apostoli munus fuerint vocati. Ex ludendus enim omninò Judas Ischarioth, ipse quidem etiam Apostolus, Matth. 10 v. 4. Sed factus fuit infamis, Joh. 6. v. 70. quippe Dominum suum, ejusque opera, apud scribas & Phariseos, hostes ipsius, mendacissimè calumniatus est, adedq; se ministrum & organum Diabolo, sponte & deliberato consilio præbuit; factus planè

C 2

Diabolus

Qui sine  
cives re-  
gni



Diabolū mancipium, in quod intravit, Luc. 22. vers. 3. ac tandem sceleratissimus proditor, Matth. 26. v. 48. Hic enim acceptā offulā ē Christi manu, (non pane Eucharistico, in quā opinione Origenes fuit, Conf. ejus commentarium in cap. 13. Joh. sed communi) exierat, ut ē cœnaculo, sic etiā ex Christi & Apostolorum commercio, ad quod nunquā rediit: exierat, ad Christi hostes, licet expressis verbis historia id non commemoret. in domo Caiphæ, à sanguinolento concilio expectatus, exierat plenus, ut conjiceretur, in Christum furijs, & odio, quo scelus animo ipsius conceptum, Apostolis reliquis, jam ex porrectā buccellā, detectum fuerat: Ut igitur non referendus ad eos, ad quos Christus: *Vos autē permansistis mecum in tentationibus meis*, sic neq; hujus regni *Diabolus*, ad eum ullo modo spectat: alio ipsi verbo, exitum Christus exposuerat, Matth. 26. v. 24. *Va homini illi, per quem Filius hominis traditur: bonum erat ei, si natus non fuisset homo ille*; quo mala ipsa eventura, tum temporalia tum æterna, prædixit. minatus est, & certo modo deploravit. Rectè Theophyl. in cap. 22. Luc. Christus Iudæ proditori *va* adindicavit, à discessu autem, ad reliquos discipulos dixit: *Vos estis, qui mansistis mecum in tentationibus, idē ē mercedem vobis dispono &c.* Ergo undecim Apostolis factæ regni cœlestis *Diabolus*: tametsi enim illi, à Satana insidijs non prorsus liberi extiterint, qui id unicè egit, ut ipsos *cribraret*, sicut *triticum* Luc. 22. v. 31. etsi interdum penè succubuerint, ad meliorem tamen, à Magistro suo revocati, redierunt mentem, a eoque in pristinam gratiam fuerunt restituti, in quā etiā divinā ope perstiterunt. Nec tamen, quod aliterum, Apostolos solos intelligimus. Sane ijs solis id temporis hæc dicta fuisse, ex historiā manifestum est, at, quod quæ dicta sunt, simpliciter ad solos eos, alijs fidelibus prorsus exclusis, spectarint, non est sentiendum. Sunt, quæ Apostolus à Christo promissa fuerunt, in triplici, uti notum, differentia. Quædam ijs tantum propria ant cum alijs per paucis communia, quod pertinet promissio doni edendorum, miraculorum, Matth. 10. v. 8. Effusionis Spir. S. & inde notitiæ divinorum magnalium, varus linguis toto orbe de prædicandorū, ut & momentaneæ ad reddendam fidei rationem instructionis, cap. cit. v. 19. ac id genus alia plura. Quædam & ijs, & simul cunctis Ecclesiæ ministris legitimè vocatis, dicta: qualia sunt, quæ simpliciter ad officii Ecclesiastici administrationem requiruntur, promissio necessariorū.



rum docendi donorum, laborum successus, defensionis adversus hostes, &c. *Quadam* & illis, & simul omnibus fidelibus, sub ipsorum personis proposita; quod tum plures alix, per Evangelistarum monumenta sparsa, tum imprimis suavissima promissiones quas *παραγγελίας* Christi concio, ab Evangelistâ Johanne descripta, comprehendit, referenda. vide cap. 14. v. 2. & seqq. cap. 15. v. 4. & seqq. cap. 16. v. 23. & seqq. quibus merito subscribendum, quod alibi Christus dicit: Marc. 15. v. 37. *Quod vobis dico, omnibus (credentibus) dico*: Atque hinc etiam præsentem regni beati *βασιλείαν*, si res ipsa, seu ipsum in se regnum spectetur, accensendum judicamus.

§. 16. De reipsâ, seu regno cœlorum in se considerato, Apostolorum in re-  
disertè loquimur: Quod si enim *accidentales quasdam eius circum-* rum in re-  
gno hoc  
præroga-  
tive.  
*stantias* attendamus, nullo modo negatum imus, nonnulla viris Apostolicis, ex merâ tamen gratiâ, singulariter disposita esse, quibus reliquos de grege beatos, antecellunt. Habebunt enim illi ad latera Christi judicaturi, peculiare, ut verba immediatè sequentia ostendunt, sedes & thronos, non nisi ipsis paratos, ut unâ cum supremo iudice, suo modo iudicium administrent; ubi non materiales & corporei throni, quales in mundo iudices occupare solent, sed amplioris tantum honoris, qui tamen exactè sciri nequit, gradus intelligendus, notante Theophylacto in cap. 19. Matth. ad v. 28. *Ἄρα καθίσθουσιναι (ὡς ἄποστολοι) ἐχί, ἀλλὰ τῆς ὑπερβάνουσας αὐτῶν, διὰ τῆς καθέδρας ἐδύλασσε.* Tamen si enim omnes sancti & fideles, ubi prius sese coram tribunali Christi stiterint, mox ad dignitatem judicandi, veluti quidam iudicij assessores, sunt evehendi, ut suas quoque partes, approbando, testificando, &c. exequantur. de quo generaliter Apost. 1. Cor. 6. v. 2. *an nescitis, quod sancti mundum, i. e. homines in mundo impios, ut & Angelos apostatas, judicabunt?* Conf. Matth. 12. vers. 40. & seqq. quo etiam verba Christi Luc. 11. v. 19. *Fili vestri erunt iudices vestri,* à quibusdam applicantur. Conf. August. l. 20. de civitate Dei cap. 5. Dubium tamen esse non debet, Apostolos in ultimo iudicio, quandam honoris gloriæq; prærogativam, præ reliquis electis habituros, & futuros Christi proximos, quasi regni cœlestis præceres & primotes. Conf. D. Gerh. in h. l. *Quemadmodum enim iidem ampliora gloriæ præmia, in cœlis æternum posside-*  
bunt,



bunt, quam alij, qui ipsis zelo, labore, calamitatū tolerantia &c. pares in hac vitā non extiterunt, sic in ipso statim iudicio, & priusquam plenē in gaudia Domini ingrediantur eorundem quasi primitias percipient: id quod jam antea Christus ipsis fuerat pollicitus, Matth. 19. v. 28. *Vos, qui secuti estis me in regeneratione, cum sederit Filius hominis in maiestate sua, etiam sedebitis, super sedes duodecim, iudicantes duodecim tribus Israel.* Quia enim Apostoli singulari modo Christum, relictis omnibus, promptē, ad vocationem secuti fuerant, ac maioribus sese periculis & persecutionibus, quam alij fideles objecerant, idē etiam peculiaris ipsis honor & gloria accidentalis, promittitur. Quod vel ipse Pater comment. in Matth. 19. pag. 502. non diffitetur, inquit: *Quando sessio Christi in throno gloriæ manifestabitur, tunc haud dubiē etiam sessio Apostolorum implebitur; Et si enim omnes sancti tunc iudicabunt mundum & Angelos, 1. Cor. 6. tamen proxima à Christo partes, tunc haud dubiē erunt duodecim Apostolorum, iuxta promissionem, qui tanquam pedanei iudices, sedendo & subscribendo iudicis Christi sententia, tribus Israël iudicabunt, &c.* Quamvis autem omninō concedendum, verba Christi Apostolis hoc loco, amplioris in futurā vitā & regno cœlorum dignitatis, spem facere; non tamen propterea, reliqui fideles prorsus hinc removendi, ut dulcissimam promissionem, nullo modo ad se pertinere, credere cogantur. Est quidem, ut ex ipso contextu ejus rei rationem petamus, aliquod discrimen inter Apostolorum *διακονίαν* in tentationibus Christi, & aliorum fidelium, neque enim fieri potest, ut per omnia conveniant, interim tamen, genere eadem omnium est perseverantia, omnibus mandata, Matth. 24. v. 13. Apoc. 2. v. 10. ab omnibus, si salvi fieri velint, præstanda: eodem modo, non deneganda Apostolis in *διακονία* regni cœlorum, peculiaris dignitatis, licet accidentalis, gloria; sed tamen ab ipsā *διακονία* promissione, alij fideles, non penitus excludendi. Et rectē ex hoc loco, tanquam ordinariā præter alias, sedē, petuntur argumenta tum exhortatoria, ad constantiam in perferendis pro Christiano nomine persecutionibus, tum consolatoria, ex insigni premio, cunctis in fide & patientiā perseverantibus promissio. fore scilicet, ut, quemadmodum participes sunt in tribulatione & patientiā Iesu Christi, sic etiam regni fiant participes. Rom. 8. v. 18. 2. Cor. 4. v. 17. 2. Tim. 2. v. 12. Apoc. 1. v. 9. §. 17.



23

§. 17. Ex dictis facile liquet, qualis ea sit *Diabolus*, quā *Vocula*  
 regnum cœlorum Christus. Apostolis aliisque fidelibus disposuit. *καθώς*.  
 Partic. *καθώς* cuius etiam §. 13. mentio facta, æqualitatem utrius-  
 que *Diabolus*, sc. quā à Patre Christo. & quā à Christo Apostolis  
 aliisque electis, regnum dispositum est, notare videtur. Sed  
 quod §. dicto intrinsecus, varia est illius, aliarumque id genus, qui-  
 bus rerum diversarum comparatio significatur, acceptio: Sanè,  
 exprimit nonnunquam omnimodam, sine ullā rei exceptione,  
 æqualitatem, quo sensu extat Joh. 5. v. 23. *Omnes honorent Filium,*  
*καθώς sicut honorant Patrem*, Eph. 1. v. 4. *Benedixit nos in omni be-*  
*nedictione spirituali &c. καθώς sicut elegit nos in Christo, &c.* ubi be-  
 nedictio in tempore secuta, cum facta prædestinatione, ante ja-  
 cta mundi fundamenta confertur, quod ipsidem utraq; causis con-  
 fect, quod tamen non comparandi verbo, sed rerum ipsarum col-  
 latarum naturæ & statui, est tribuendum. Aliàs plerumque qua-  
 liscunque similitudinis & convenientiæ nota est, ubi Regula  
 doctissimi Flacii part. ult. clav. tractatu 4. de tropis. pag. 354. ob-  
 servanda. *Sape similitudinis particula, non de modo, sed de facto, non*  
*de causa effectus aut etiam ratione, sed de exemplo, non de specie, sed*  
*de genere, non de omnimodâ & perfectâ, sed aliqua convenientiâ sunt*  
*intelligenda.* Exempla magno numero sunt obvia. Matth. 5. v.  
 48. Luc. 6. v. 36. Joh. 17. v. 21. & seqq. Rom. 5. v. 19. 1. Cor. 10.  
 v. 16. & seqq. Quibus etiam hoc nostrum adscribendum, in quo  
 Christus nullam specialem, sed tantum generalissimam duarum  
*Diabolus* regni, comparisonem instituit, quod, quemadmodum  
 in questione 6. sibi à Patre regnum sit dispositum, sic & ipse  
 Apostolis & fidelibus, idem disponat, item: quod quemadmodū  
 sibi Regia majestas & regnum, juxta humanam naturam ex gra-  
 tiâ, vocabulo generaliter sumpto, contigerit, sic & ipse homini-  
 bus credentibus, vitam beatam ex gratiâ conferat, quod sicut  
 ipse, non nisi post superatas passiones, in gloriam suam intratu-  
 rus sit, sic nec illi, nisi per multas tribulationes, in regnum cœlo-  
 rum sunt ingressuri. Longius progredi in comparatione vix li-  
 cet; Nam si ad speciales exire circumstantias velimus, omnis ex-  
 pirat comparandi ratio; confer quæ §. 13. allata sunt, ubi *Diabo-*  
*us* quā Pater æternus Christo regnum disposuit, breviter descri-  
 pta est, ad quam, si altera, quā hominibus piis idem disponitur,  
 adhibea-



adhibeatur, ingens per omnia discrimen sese offert, quod cuivis facile obvium, ut per singula ire membra, supervacaneum videretur. Hæc, de quâ nunc quæstio est, *diæstis*, haud difficulter, qualis sit, percipiemus, si salutis nostræ provehenda sancitum & revelatum ordinem, si causas ejus principales & instrumentales, ex parte Dei & hominum, si modum & formam, si objecta, si fines & effectus, aliaque id genus, nobiscum meditemur. Nam sicut æterna hominum quorundam ad salutem prædestinatio, in Christo fide apprehendendo, non verò absolutè facta est, ita ut nullius ordinis ratione habitâ, simpliciter pro *iudicio*, Deus hunc vitæ & saluti judicârit, illum præterierit, & sic morti destinaret; sic etiam regnum cœlorum disponitur, in Christo fide apprehendendo, quæ fides postquam Christum eiusq; meritum, quod primum ejus opus, complexus est, variis vacat pietatis exercitiis, Deum tam clementem & benignum diligit, veneratur, adorat, laudat, voluntati ejus sese humiliter submittit, fert patienter immissam divinâ manu crucem, ab eo mitigationem sive liberationem spe firmâ expectat, proximo charitatis opera præstat, justitiæ, honestatis, sobrietatis, castitatis, veracitatis amans, officii commissi partes, secundum virtutem, quam Deus subministrat, strenuè, in ipsius gloriam & proximi utilitatem, exequitur. Quæ & alia hujus generis plura, mandato legis comprehensa, ad ordinem à cunctis, qui sibi quoque regnum cœlorum dispositum esse, certiorum à posteriori spem habere cupiant, religiosè observanda.

Bona regni.

Quid comedere & habere.

§. 18. Super sunt *bona*, civibus, quibus regnum disponitur, in eodem parata: quæ omnia Christus complectitur, cum se mensa sua, ipsos, ut super eam in regno suo comedant & bibant, adhibiturum pollicetur. Facessant hinc in limine, profana Judæorum & Mahumeti deliria, sive de ingenti quodâ pisce, quem Deus jam olim occisum & salitum servet, ut comedendum in alio seculo iustis apponat. Sive de carnalib<sup>9</sup> & obscœnis voluptatibus quos omnes virtutes amantes, in ejus præmium, sint percepturi. *Non est regnum Dei* *cibus & potus*, inquit Apostolus, Rom. 14. v. 17. loquens & de gratiæ & gloriæ regno, ad quæ cibus potusque propriè sic dicti, nihil conferunt, in quibus jam occupatis, locum nullum habent. Est uti in vulgus etiam notum, Scripturæ Sacræ, & Spiritus S. in eâ loquentis consuetudo, ut quicquid



quid vita hæc naturalis, quicquid hominum inter se conversa-  
tio, læti bonique possidet, quicquid desiderabile habet & ama-  
bile, id ad spiritualia gaudia, tum ea quæ regno gratiæ in hac vi-  
ta, tum præcipuè, quæ regno gloriæ propria sunt, transferat, ut  
hisce demum omnis felicitatis lætitiæque complementum &  
promptuarium contineri, innuat: *In regno gratiæ*, spirituale *In regno*  
comedere & bibere est, tum verbum prædicatum libenter ad gratiæ.  
aures & animum admittere, & cum studio obtemperandi audi-  
re, Prov. 9. v. 5. *Venite comedite panem meum.* Conf. Jerem. 15.  
v. 16. & Ps. 34. v. 9. tum Christum ejusque beneficia in Evange-  
lio & Sacramentis oblata, fide percipere, Ioh. 6. vers. 50. seqq. ad  
interioris hominis augendas, & quodammodo saginandas vires,  
Esa 55. v. 1. seqq. Malach. 4. v. 2. *In regno gloriæ*, est omnis, & di *In regno*  
gnitatis, & gaudii, quæ electis parata sunt & promissa, partici- *gloriæ.*  
pem esse, iisdemque ipso opere frui. Ambrosius in h. l. tom. 8.  
lib 10 in Luc. p. 153. breviter: *Non nobis victus & potus præmij lo-*  
*co spondetur, & honori, sed communicatio gratiæ cælestis & vite.* Non-  
nihil latius Theophylactus pag 516. *Comedere & bibere dixit*  
*Christus non quasi edulia illis (Apostolis) sint posita, ipse enim, per ea*  
*quæ Sadduceis locutus est, docet, quod conversatio illis sit angelica, &*  
*Paulus docet, regnum Dei non esse cibum & potum.* Ne quis igitur  
erret, audiens hic edatus & bibatis super mensam, sed cogitet quod di-  
ctum sit ex metaphora eorum qui à Regibus honorantur: nam qui cum  
Regibus cœnant, videntur primos honores sortiri. Hoc igitur de Apo-  
stolis dicit, quod apud se omnibus aliis præferantur. Idem sensus est  
aliorum Scripturæ locorum, huic nostro παραμύθηον, Ps. 36. v. 9.  
*Inebriabuntur, qui in te sperant, in pinguedine domus tuæ, & torrente*  
*voluptatis tuæ potabis eos, quoniam apud te est fons vite.* Esa. 26. v. 6.  
*Faciet Dominus convivium pinguium, convivium vini defecati & c.*  
quod oraculum primò quidem regnum gratiæ, sed tamen & glo-  
riæ respicit, c. 65. v. 13. 14. *Ecce servi mei lætabuntur, ecce servi mei*  
*comedent, ecce servi mei bibent, & c.* Conf. in N. T. Matt. 5 v. 6. c. 8.  
v. 11. Ioh. 10. v. 9. ubi regnum gloriæ nuptiarum nomine adum-  
bratur, ob rationes plurimas, quas hic scientes præterimus.

§ 19. Ergo, quod modo dictum, comedere & bibere in Cælestis  
mensæ & regno Christi, est cælesti gloriæ coronari. quæ dum præcipuè  
comprehendit, sc. maximum honorem, & gaudia incomparabilia. *gloriæ*  
*duo com-*  
*prehendit.*

D

Hono-  
dit.



**Honorem.** *Honoris est, & amplissimi quidem, Christi mensa in ejus regno as-  
 sidere. Fuit omnibus seculis honoris non exigui loco habitum,  
 si quis Regis seu Principis alicujus mensa adhereret: quo ex  
 sacris referenda, quod David, reportata à Goliatho insperata vi-  
 ctoria, novilunij die, ad convivium à Rege Saule admissus est,  
 1. Sam. 20. v. 18. & seq. quod idem postea Rex factus, Mephibo-  
 sethum Jonathæ filium, mensa sua dignatus fuit, 2. Sam. 9. v. 7.  
 quod eadem ab eodem oblata Barsillai Giladitæ, seni, à quo libe-  
 raliter aliquandiu in exilio fuerat habitus, 2. Sam. 19. vers. 33.  
 Quod Evilmerodach Rex Babel, Jojachim Regem Judæ, carcere  
 & vinculis, in quibus vitam, triginta septem circiter annos, mi-  
 sere egerat, exemptum, eodem beneficio prosecutus est. Profa-  
 na hujusmodi honoris exempla, videantur apud Stuckium anti-  
 quitat. convivial. lib. 2. cap. 1. pag. 143. Sed quid omnes totius  
 orbis Reges, quibus unquam potentia, majestas, opulentia, regi-  
 minis felicitas, &c. nomen dederunt, ad Christum omnium  
 Regum Regem? quid honor ex illorum mensis, ad istum ho-  
 norem, quo afficiuntur, qui in Christi regno, mensa ejus assi-  
 dent? Augēt maximopere honoris illius gloriam, *Christi ad men-  
 sam ministerium*, de quo ipsemet, Luc. 12. vers. 37. *Beati servi illi,  
 quos, cum venerit Dominus, inveniet vigilantes: Amen dico vobis, quod  
 præcinget se, & faciet illos discumbere, & transiens ministrabit eis.*  
 Nihil hinc cogitatione concipiendum, quod statum majestatis &  
 exaltationis Christi oppugnet, in quo non propriè ministrat, sed  
 gloriosè imperat. Sicut enim è cælis, in terras à Patre descen-  
 dit, & aliquandiu *inter nos, caro factus, habitavit.* Joh. 1. 14. *non ut  
 ipsi ministraretur, sed ut ipse ministraret,* Matth. 20. v. 28. *sic mun-  
 dum reliquit & ad Patrem redijt,* Joh. 16. v. 28. ad cælos ascendit,  
 non ut jam amplius ministraret, sed ut ipsi, Regi ac Domino O-  
 mnipotentī, creaturæ omnes subjectæ essent, & ministerium  
 præstarent. Absit itaque vile ministerium, quale fuit pedum A-  
 postolicorum lotio, aut simile aliquid, quod servilem formam  
 habet, quam omnino in suā exaltatione exuit, ita, ut quemadmo-  
 dum carnem, quam semel assumpsit, nunquam deponat, sic for-  
 mam servi, quam semel deposuit, nunquam resumat. Totus  
 Christi sermo citato loco parabolicus est, quo res cælestes & ca-  
 ptu nostro superiores, phrasibus è cōmuni vitā desumptis, non  
 nihil*



nihil adumbrat, ut, quod & alibi facit, huiusmodi jucundissima  
*αὐτάρκεια*, animos nostros, & ad fidem constanter præstan-  
 dam, & ad præstitæ constantiæ pulcherrima præmia piè perpen-  
 denda excitet. Uti itaque humanis in rebus interdum fieri so-  
 let, ut herus servis suis, qui toto die, tempore messis vel aliâs  
 strenuè fideliterque laborarunt, diurnumq; absolverunt opus,  
 vesperti cenantibus adslet, cibam apponat, & obambulando,  
 ne quid desit humaniter curet, nullam tamen inde dignitatis  
 suæ faciens jacturam. Sic se quoque Christus ait, sine majesta-  
 tis suæ violatione, cunctis servis suis, qui usque ad adventum i-  
 plius, noctu & interdus fide, precibus, virtutis studio, vigilarunt,  
 mensæ suæ gloriosè admotis, omnia, quæ votis conceptis expete-  
 re, imò & plura quàm expetere possunt, ad plenissimam felicitate-  
 tem præstiturum, adedque tanto eos honore, quantum expectare  
 nunquam ausi fuissent, affecturum pollicetur. Gregorius Ma-  
 gnus, aliâ viâ sensum verborum Christi investigans, *transens in-*  
*quit Dominus ministras, quia lucis suæ illustratione nos satiat,*  
*transire verò dictum est, cum de iudicio ad regnum transit, vel certe*  
*Dominus nobis post iudicium transit, quia ab humanitatis formâ, in*  
*divinitatē contemplationem nos elevat, & transire eius est, in clari-*  
*tatē suâ speculationem nos ducere, cum eum, quem in humanitate in*  
*iudicio cernimus, etiam in divinitate post iudicium videmus. &c.*  
 Quæ omnia sua fecit Beda comment. in Luc. 12. tom. 5. operum  
 pag. 352. Sed hæc licet non omnino rejicienda, ab hoc tamen  
 loco, & Christi scopo alieniora sunt, quod nec Maldonatus  
 negat.

§. 20. Summum in mensa regni Christi honorem, in- Gaudia.  
*comparabilia, cingent & comitebuntur gaudia, quæ tum ipse ho-*  
*nor, tum aliæ gloriose felicitatis partes, parient. Sedebunt enim*  
*Apostoli aliique electi ac fideles, ad mensam, & comedent atq;*  
*bibent;* quibus verbis, quid Christus suis polliceatur, jam dictum  
 est. §. 18. Qui accuratiores videri volunt, *ad edere ad intellectum,*  
*ad bibere ad voluntatem beatorum referunt. Edere, inquit, est in-*  
*tellectu & sapientia gaudere, bibere verò fructione ac delectatione re-*  
*pleri.* Conf. Salm. in li. I. tom. 2. p. 373. Sed plus subtilioris *ἀσφα-*  
*λείας*, quam solidioris fundamenti, res habet. Idem hic sunt per  
*omnia, edere & bibere, si rem rectè æstimemus, eundem notant*



etque unum actum, cuius objectum unum, unus finis, &c. Quemadmodum enim, quando Christi ejusque beneficiorum spiritualis perceptio, *verbis manducare & bibere*, loh. 6. aliquoties describitur, nequaquam sunt distincti actus intelligendi, aut etiam diversa objecta, sed actus simpliciter unus, cuius objectum est Christus *ἡ ἀρτοποιία*, ejusque merita & beneficia, ac tantum ad metaphorā ibid. propositā, & à cibo potuque sumptū continuationem, duo verba adhibentur: Sic etiam, cum de gaudiorum cœlestium perfruitione, eadem verba ob dictam rationem usurpantur, actus non nisi unus exprimitur, cuius objectum est omne bonum, quo Apostoli aliique electi, in summā felicitate, gloriā & beatitudine æternæ vitæ cumulabuntur. Bonum tum *privativum*, quod per omnia ac profus liberi erunt à peccato, ab ejusdem causis & pœnis, tum *positivum*, sive *internū*, quo spectat præcipuè Dei beatifica visio, quoddam quasi beatitatis compendium, unde nascetur ineffabilis lætitia ac exultatio, atque in illā exultatione sempiterna Dei glorificatio, plena imaginis divinæ restauratio, tum in mente atque intellectu, tum in voluntate, aliisque animi viribus & facultatibus, sive *externum*, quo corpora beatorum ornabuntur. 1. Cor. 15. v. 43. & seqq. quorsum etiam pertinet suavissima consociatio cum Deo, Christo, Angelis, electis, ac tandem pulcherrima habitatio. Quæ hoc loco tantum delibanda erant, alibi persequenda uberius. Atq; hæc de germano textus propositi sensu & enucleatione.

Locus de  
Christi  
regno glo-  
riæ,

Vocabu-  
lum glo-  
riæ.

Cuius va-  
rius in scri-  
pturis usus

§. 21. In *μυστήριον* ipsius articuli *de Christi regno gloriæ* delineatione, initio, *qualis ea sit gloria*, à quā hoc regnum denominatur, considerandum. Ubi Grammaticis, quæ ipsorū sunt, in investigatione vocabuli *gloriæ* propriā, relinquimus. Videatur Martin. lexicon Philolog. pag. 1037. Nec magnopere attendimus, communem ejus apud profanos autores significationem, quibus gloria est frequens de aliquo illustris ac pervagata fama cum laude, & incorrupta vox bonè judicantium de excellenti virtute, Cicero 2. de invent. pro Marcell. l. 2. Tusculan. In divinis scripturis nominis latini *gloria*, ut & Hebræi *כבוד*, ac Græci *δόξα*, usus huc pertinens, varius est. Nam tribuitur, & Deo & creaturis, & his tum personis, scil. Angelis & hominibus, tum rebus



rebus. Deo cum tribuitur, vel ipsa essentialis ejus est majestas & quidem omnium essentialium attributorum, quæ Dei essentia sunt, quasi complexus, quam gloriam Moyses, sed frustra, videre, cum adhuc inter mortales esset expetiit. Exod. 33. v. 18. Conf. Act. 7. v. 2. Eph. 1. v. 17. Atque hæc essentialis gloria, simplicissimè in divinis una est, uti essentia ipsa, ut hinc gravissimè hallucinentur, qui pro distinctione personarum multiplicent gloriam, quorum Dux & Antesignanus, Matthias Mart. in Menzero antinuth. cap. 14. pag. 337. Ubi tres, inquit (in divinitate) sunt persona, quarum unamquamque Regem dicimus: Una igitur in divinitate est gloria essentialis, sed triplex personalis. Ad quem merito Menzerus, gravissimè & non sine pietatis Zelo, Tom. 6. Giesl. disput. 18. §. 252. pag. 358. Decetne, ait, hic sermo eum, qui Arianos & Samosatrenianos refutare instituit? Num, quia qualibet persona divinitatis est Deus, Rex, omnipotens, ideo tres sunt personales Dii, Reges, omnipotentes? Inspice Symbolum Athanasianum, & corrige errorem exitiosissimum; una est gloria, & maiestas divina, ut una essentia, ex æquo communis tribus personis. Finge tu gloriam triplicem personalem, & habebis primam gloriam Patris, a secundâ gloriâ Filij distinctam, tam verè & realiter, quàm verum & reale discrimen est, inter personam Patris & Filij. Falsum igitur erit, eundem esse honorem & gloriam Patris & Filij. Apoc. 5. v. 13. &c. Vel gloriosa Dei & magnifica opera ob oculos ponit, vel celebrationem gloria ex maiestatis & operum eius agnitione ac meditatione ortam, notat: Huc gloriam referimus etiam eam, quæ Christo Θεανδρῶν juxta humanam naturam adscripta, passim in sacris literis legitur. Joh. 1. v. 14. Vidimus gloriam ejus, &c. cap. 17. v. 15. Glorifica me Pater ea gloria, quam habui apud te, cap. 2. v. 11. Manifestavit gloriam suam &c. Matth. 24. v. 30. Luc. 21. v. 27. Marc. 13. v. 26. veniet Filius hominis in nubibus cum virtute & gloria multa. quæ, & aliâ Scriptura testimonia, de gloria infinita & mere divina. Christo juxta carnem per & propter unionem personalem communicata, loqui, alibi ostensum est. Conf. disput. de secundo genere communicat. idiomat ex Dan. 7. v. 13. & 14. §. 26. seqq. præter quam gloriam, etiam alia ipsi habitua-liter & subjective inhærens, competit, quam cum beatis com-



communem, quamvis non juxta *ῥόσον* ut Theodoret, ait, habet. Philip. 3. v. 21. Inter creaturas *Angelos*, qui in veritate perstiterunt, *primi sunt*, quorum gloria æterni Patris & Christi Filii gloriae annectitur, Luc. 9. v. 26. *Filius hominis veniet in gloria sua & Patris, & sanctorum Angelorum*, qui & ipsi tanquam ministri ad solennem universalis judicii actum aderunt, ab eodem splendidissime ornati: sicut Imperator aliquis, publico ingressu non ipse tantum magnifice incedit, sed ut & ministrorum atq; aulae principum habitus, splendori respondeat, curare solet. *Quid est*, inquit ad verba citata Ambrosius, *& sanctorum Angelorum*, nisi quod honorantur, ut servi Domini? Proximi angelus sunt homines, de quorum, quâ hâc in vitâ, sive solida, sive vana fruuntur, sive ut fruuntur laborant, gloria, nunc non agimus, quippe quæ cum regno gloriae, quod nostrum argumentum est, aut parum, aut omnino nihil habet commercij. Gloriam, quæ huc pertinet, celebrat Apostolus, 1. Cor. 15. v. 44. *Surget in gloria*. Ubi sicut *τῆ ἀντιπῆς* opposita, quicquid humano corpori dedecus aliquod afferre potest, in hâc vitâ, sic *τῆ δόξης*, quicquid in futura illud condecorabit, complectitur, omnes scilicet illas gloriosas qualitates, quibus *ἰσάγγελαι* beati futuri sunt. Matth. 22. v. 30. Conf. Phil. 3. v. 1. 2. Cor. 4. v. 13. Colos. 3. v. 4. Præter Angelos & homines, etiam *calum & domicilium* beatorum, suâ splendet gloria, quam Johannes in Apoc. cap. 21. nonnihil ex visione sua adumbraturus, se vidisse, ait, *civitatem sanctam Jerusalem, descendantem de caelo, habentem claritatem Dei & lumen, quod simile lumini lapidis, cuius fundamenta è lapidibus pretiosis, porta è margaritis extructa fuerint*. Conf. cap. 21. v. 10. & seqq.

Gloria  
huic re-  
gno pro-  
pria.

§. 22. Omnes istæ, ut sic loquamur, gloriae, diverso modo, in hoc Christi regno concurrunt, ut ab ijs gloriae regnum merito dicatur. *Ortum enim habet ex Deo glorioso*, cujus gloria licet etiam in regno potentia, variè pulchreque luceat, longè tamen amplius per hoc regnum est diffusa. *Enarrant cæli, gloriam Dei creatoris sui*. Psal. 19. v. 1. Sed longè majoribus eam laudibus extollit cælum, quod beatis sedem præbet, tantò scilicet majoribus, quanto splendidius, & plures majestatis divinæ in se habet radios. *Regem habet Christum*, juxta utramque naturam gloriosum, qui, quamvis etiam Ecclesiam & regnum gratiæ, gloria sua



suâ, modo non uno, exornet, dat enim & gratiam & gloriam, ambulanti-  
bus in innocentia, & sperantibus in eo, Psal. 84. v. 12. & 13.  
in quâ gloria iusti exultant. Psal. 149. v. 5. Obscurior tamen ea  
est atque occultior, tecta nubibus crucis & calamitatis, imò &  
deformata peccati reliquiis. Nam omnis gloria filie Regis est ab-  
intus. Psal. 45. v. 14. fidei potius est, quam visionis. Cives habet  
& incolis omnes gloriosos, electos, tum Angelos, tum homines, li-  
cet non ex iisdem causis, illi & isti, gloria dona possideant. Nam  
Angeli, certo modo ex primæ creationis, at præcipuè ex eâ, quæ  
post ad ipsorum fidem secuta est, confirmationis gratiâ, gloriosi  
sunt. Beati verò homines, ex Christi Regis merito, quò ut pec-  
catorum remissio & iustitia, sic etiam cælestis gloria ipsis parta  
est. Est tamen gloria qua fulgent, eadem, ita, ut hoc nomine ho-  
mines beati *isâ 62. 12.* Angelis similes, dicantur. Matth. 22. v. 30.  
Eadem non absolutè, per omnia, cum non ejusdem naturæ sint  
Angeli cum hominibus, & hinc nec capaces gloriæ, quæ istis cer-  
to modo propria est. Omnes iunctis vocibus divinam celebrant glo-  
riam, eique laudes dicunt, licet homines, modo longè, quam in  
hoc regno gratiæ fieri potest, gloriosiore. Quò referenda Scri-  
pturæ dicta, Psal. 42. v. 5. & 126. v. 1. Esa. 35. v. 10. & 9. c. v. 5. 8. seqq.  
cap. 19. v. 1. seqq. Conf. August. lib. 22. de Civ. D. cap. 30. *Locus*  
*ipse & habitatio*, uti §. præced. dictum, *gloriosus*, ornatissimus, pul-  
cherrimus, ut omnem hujus mundi gloriam, omnem mundano-  
rum regnorum sive Salomonis, sive Ahasveri, sive aliorum splen-  
dorem, longissimè superet. Cum itaque omnia in hoc Christi  
regno, per omnes ferè circumstantias sint gloriosa, quod de Re-  
gnis potentiae & gratiæ, quibus aliâ sua etiam gloria constat, ita  
dici non potest, meritò hoc nominis obtinet, ut gloriæ regnum  
appelletur, potentiâ & gratiâ inde non exclusis.

§. 23. Gaudet verò hoc quoque regnum, uti præceden-  
tia, diversis in Scriptura appellationibus. Dicitur enim *Regnum*  
*absolute* & *absolūtè*, hoc, quem exposuimus, loco; & Luc. 12. v. 32.  
*Complacuit Patri vobis dare regnum.* Erigit ibi Christus  
Apostolorum aliorumque fidelium animos, & quantū in se, à me-  
tu liberat: *Nolite*, inquit, *timere, pusille grex*; mox hanc ponde-  
rosissimam subiiciens rationem, quod ipsis decretum regnum  
sit, ubi sensus non est, quod inter pericula hujus vitæ, inter fu-  
rores.

Diversa  
dicitur re-  
gni nomi-  
na.



rores & insidias Satanae, mundi, persecutorum, nimis metuat-  
tis, nemo enim vos, de gaudiis in regno meo vobis paratis, detur-  
babit, stat gloriae meae regnum, cuius Rex ab aeterno constitu-  
tus sum, in eo vobis, à Patre meo & me, parata sedes, ut eas suo  
tempore occupetis, & mecum regnetis: Ego Rex supremus,  
qui hoc regnum sanguine meo acquisivi, vos quoque sub me Re-  
ges, sicut in regno gratiae facere incepti, sic plenè faciam, in regno  
gloriae. *Reges faciam coram Patre meo caelesti*, Apoc. 1. v. 6. Cur  
absolutè regnum vocetur, ratio facilè obvia est, quia scilicet in eo  
omnia, quae regnandi maiestatem quocunque modo obscurare  
possunt, prorsus è medio sublata, hostes omnes, peccatum, Dia-  
bolus, mundus, mors infernus, superati prostratique, & Rex &  
cives in summam & ineffabili gloria aeternum regnant. Apoc. 20. 6.  
Crebrò vocatur *regnum Dei*, Marc. 9. v. 49. cap. 11. vers. 14. & 24.  
Luc. 13. v. 28. cap. 28. v. 24. quod nomen licet suo modo cum re-  
gno potentiae & gratiae commune habeat, peculiariter tamen &  
singulari ratione sibi vendicat, tum, quod de eo parando prima ut  
sic dicamus, *Deo cura fuerit*, & huius causa, atque ut illi servirent,  
duo reliqua, maximam partem instituta. Univerfus enim mundus  
quem potentia divina moderatur, Ecclesiae militanti & regno  
gratiae partim hospitium praebet, partim famulatur; ipsum ve-  
rò gratiae regnum, idè, ut ex eo in regnum gloriae fideles transfe-  
rantur, institutum, adedque huius veluti quoddam plantarium  
est: tum, quod in eo maiestatem suam divinam uberrimè, atq;  
amplius, quàm in regno potentiae & gratiae capere animus pot-  
est, Deus manifestet: tum quod caelestium bonorum abundan-  
tissimam copiam, beatos cumulet, tum quoque seipsum coram, de  
facie ad faciem, non, vel obscurioribus naturae vestigijs, vel per  
speculum in aenigmate, quae ejus videntur in hac vita ac regno  
potentiae & gratiae rationes sunt, contemplatum exhibeat:  
tum denique, quod immediatè omnia in omnibus sit aeternumque  
maneant. 1. Cor. 15. v. 28. *Regnum Patris caelestis* appellatur. Matt.  
13. v. 43 c. 26. v. 29. tum ad significandum ejus fontem, qui in di-  
vinis Pater est, ex quo, uti omnia alia, sic & gloria omnis atque  
maiestas: qui hinc quoque, *Pater gloriae* licetur. Eph. 1. v. 17. à quo  
Filius ipse diverso respectu juxta utramque naturam habet, quod sit  
Rex gloriae, ac gloriosè regnet; tum ut ostendatur, in hoc de-  
num



mun regno æternum Patrem, affectum suum paternum, amorem, bonitatem, cuius primitias in regno potentia & gratia p̄i percipiunt, plenissimè manifestare, ipsoque opere declarare. Quod omninò Christus Salvator respicere videtur, cum loc. cit. Matth. 13. v. 49. inquit: *tunc iusti fulgebunt sicut sol in regno Patris eorum*, vel rectius ad Græcum *ἀπὸ τοῦ πατρὸς* sui, id est: tum demum electi, reipsa sentient & experientur, quid sit. Deum habere Patrem, ab eoque paternè diligi, quàm ineffabilia ex hac origine bona promanent; id quod hâc in vitâ, obscurius fide intelligitur. Præterimus alia huius regni nomina, quorum consideratio ad artic. de vitâ æternâ commodius refertur. Vide D. Gerh: L. de vitâ æternâ §. 11. & seqq.

§. 24. Nomina ipsius Regis Christi, huc pertinentia, duo sunt præcipuè; Prius extat Pl. 24. v. 7. & 9. quo vocatur *Rex Gloria*. *Elevate porta capita vestra, & extollite vos porta seculi, & introibit Rex gloria &c.* Arcam fœderis, Regem gloriæ, imò & Jehovah ibidem dicit. Enjedin, aliorumq; Photinianorum commentum est, quam eòdem nomine gaudere, Num. 10. v. 35. & c. 32. v. 20. Deut. 12. v. 17. Jos. 24. v. 1. 1. Reg. 6. v. 2. volunt; A quibus non longè abeunt, qui ex Calvinianis, Christum quidem hic Regem gloriæ dici, sed tamen & arcam ejus typum ita appellari tradunt; quæ Riveri in Pl. 24. p. 245. est sententia. *Rex gloria Deus est*, sic ait, *sed typo etiam id est arca, hac appellatio attributa est*, in V. Test. eò quod Deus promississet, se inter Cherubim habitaturum, hoc est, preces Orantium auditurum, & ad petita responsurum: hinc Jos. 3. v. 11. *arca fœderis vocatur* J *Domini* *universa terra*, quia præsentiæ symbolum erat ab eo institutum &c. Ex falsâ hypothesi, quod de arca fœderis, in templū Salomonis recens extractū, introductione, Psalmus aut solum, aut præcipuè agat, hæc nascitur perabsurda opinio, quam nec intentioni Spir. S., nec verborum Psalmi majestati, consentaneam esse, disp. de regno potentia §. 1. ostendimus. Christus, & quidē solus est, de quo dignè religiosq; excipiendo, Psalmes loquitur, cuius sermo ejusdem est argumenti, cum Johannis Præcursoris Domini concione, prædicta Esaie 40. v. 3. & 4. *Parate viam Domino &c.* Hic gloria Rex, per Hebraismum *Rex gloriosus*, (aliis appellationis rationibus nunc missis,) vocatur, non quidem solum, sed tamen præcipuè ob Regnum

Diversa  
Regis no-  
mina.

E

gnum



gnum gloriæ : nam aliàs uti §.22. diximus, regnum etiam po-  
 tentiæ, ut & gratiæ, gloriosè administrat. Posteaquam enim  
 superatâ morte, & depositâ formâ servi, in gloriam suam in-  
 gressus est, Luc.24.v.26. & ad dextram Majestatis in Excelsis sedit.  
 Heb.1.verf.3. jam res omnes in cœlo & terrâ, pedibus suis subje-  
 ctas, gloriosè moderatur, imprimis in regno gratiæ & Ecclesiâ,  
 regendâ, propagandâ, tuendâ, suam declarat gloriam, & nomen  
 suum admirabile facit in universâ terrâ. Psal.8.verf.2. Interim,  
 multis modis obvoluta, & quodammodo contexta est, ist-  
 hæc in regno potentiæ & gratiæ gloria, ut ferè non nisi à pijs  
 & fidelibus agnoscat, & celebretur. In regno verò gloriæ,  
 ubi beati cœlorum incolæ, gloriosissimum Regem, de facie ad fa-  
 ciem vident, ejus gloriâ illustrantur, gloriosas sedes occupant, u-  
 bi, uno verbo, omnia sine exceptione, & quidem per Christum  
 Regem gloriosa, demum plenissimè gloria manifestatur. Ut  
 hinc, cum Christus Rex gloriæ dicitur, præcipuè propter hoc re-  
 gnum gloriæ, istud nomen habere, intelligendus sit. Affine,  
 & ferè idem cum hoc est, quod Dominus gloria ab Apostolis in N.  
 T. vocatus legitur. A divo Paulo 1. Cor. 2. 8. crucifixerunt Do-  
 minum gloria. In statu quidem imæ etiam exinanitionis, adedq;  
 in cruce, inter latrones, hoc nomen meritò gessit, ut gloriæ Rex  
 juxtâ utramque naturam, diceretur; quippe qui semper ex despi-  
 catissimâ & contemptissimâ formâ, aliquos gloriæ radios, inter  
 lictorum quoque & carnificum manus, etiam infami morte mo-  
 riens, emisit. Verum, ex quo vivificatus, à morte rediens, glo-  
 riâ & honore coronatus est, 1. Pet. 3. v. 18. Psal. 8. v. 6. ut gloriosè in  
 cœlis regnaret, pleno jam jubare, gloriam majestatis suæ diffun-  
 dit: ad cujus contemplationem aliquo modo admissi, tum A-  
 postolus aliquandiu exsultat, 2. Cor. 12. v. 2. & seqq. tum Ste-  
 phanus, Act. 7. v. 55. & 56. A Iacobo cap. 2 v. 1. Nolite in persona-  
 rum acceptione habere fidem, Domini nostri Iesu Christi gloriæ, Eraf-  
 mo quidem, ut vocabulum *δόξας* hîc non nomine gloriæ, sed o-  
 pinionis vertatur, placet; unde ita Græcum textum reddit: Ne  
 cum respectu personarum habeatis fidem, Domini nostri Iesu  
 Christi ex opinione. Addit in notis, pag. 591. subdubitans  
 rectè ne verterit: Vide lector, num vox *δόξας* hîc declaret non glo-  
 riam, sed opinionem, ut referatur ad nomen *προσωπική*, sit qua  
 sensus



sensus: Ne habeamus fidem Domini nostri Iesu Christi, in discretionem personarum, ut ex sua cuiq; opinione quengnam astimemus, non hoc quatenus est Christianus, sed quatenus nobis aut magnus aut humilis est, ob affinitatem, divitias &c. A quo, ut pleriq; interpretes alij recedunt, ita durius in eum invehitur Benedictus Justin. pag. 61. ubi uberius ostendit, vocem *δοξος*, si per opinionem vertatur, neque cum fide, neq; cum Christo coherere, adedq; perperam, & prorsus extra rem factum esse, ut sic transferretur. Confer etiam Lorinum, rem prolixè septem diversarū explicationum commemoratione, pertractantem. Est ita; cum creberrimus vocabuli *δοξα* in N. Test. usus sit, vix tamen ulibi hanc acceptione, ut opinionem notet, (quæ significatio aliàs in profanis autorib<sup>9</sup> sat usitata,) invenitur; proinde meritò Vulgata hinc retinetur, & quidè ut in ipsa vocis translatione, sic quoq; in relatione, nō vel ad acceptionem personarū, quæ Cajetani est sententia, à Jacobo Laurentio confutata, pag. 131. vel ad *τίμιον*, ut vult Piscator, cujus explicatio alioquin non prorsus est incommoda, sed sine traiectione ad *κύριον*, cui ex ipsius Spiritus S. instinctu juncta legitur, ut simplex sensus sit: Nemo vestrum existimet fidem & religionem Christianam, quam à Jesu Christo æterno Dei Filio, qui gloriæ Dominus est, gloriosèque regnat, habemus, hoc ferre, ut in cœtib<sup>9</sup> Ecclesiasticis, divites in ipi<sup>9</sup> piis pauperibus præferantur.

§. 25. Hiscæ, quæ & regni & Regis nostri appellatio An sit Regnum gloriæ?  
nes spectant, ita explicatis, simul qua suo usui expedita est, ut qui allatis Scripturæ testimoniis fidem habet, de ipso gloriæ regno, quod & constitutum sit, & jam à Christo Rege administratur, amplius dubitare nequeat: quò referenda uberioris confirmationis gratiā, omnia vaticinia Prophetarum V. Test., de utroq; Messia, tum venturi statu exinanitionu & exaltationu. Psal. 8. v. 6. & 68. v. 1. & seqq. & 110. v. 7. Ela. 33. v. 8. & seqq. & passim alibi: Referendi typi, Iosephi à fratribus venditi, & in carcere, usque ad tertium annum detenti, postea ad insperatam gloriam evecti, de qua ipse ad fratres obstupefactos, Gen. 45. v. 13. abire, inquit, nunciate Patri meo universam gloriam meam, & cuncta quæ vidisti &c. Davidu. post exantlatas plurium annorum calamitates, ad solium Regium, inter populi applausus & congratulationes exaltati 2.

E 2

Sam. 5.



Sam. 8. v. v. 1. seqq. 1. Chron. 12. v. 1. seqq. *Salomonis*, in vivi videntis-  
 que Patris Davidis thronum, post solennem unctionem,  
 acclamante populo, collocati, 1. Reg. 1. v. 39. & seqq. *Referenda*  
*Evangelistarum & Apostolorum testimonia*, quibus, quemad-  
 modum Christi statum & formam servilem, in quâ à primâ con-  
 ceptione, usque ad mortem crucis vitam egit, copiosè descri-  
 bunt, sic etiam majestatem ejus, ac ingressum in gloriam, ple-  
 rumque subjiciunt, quæ huc conferre non opus est. *Referen-*  
*da ipsius Christi, qui testis verax est*, Apoc. 1. v. 5. ipsaque veritas,  
 verba: tum ante mortem & passionem, Luc. 18. vers. 33. tum post  
 mortem & resurrectionem, cap. 24. v. 26. prolata. *Referendum*  
*prælude*, & gloriosa ἀπαρχὴ in monte, ex constanti veterum  
 plerorumque opinione, Thabor. Matth. 17. vers. 1. Marc. 9. v. 1.  
 Luc. 9. v. 28. 2. Pet. 1. v. 26. Multa Christus de morte sua, multa de  
 periculis, de passione, de cæde Apostolorum, in præcedentibus locutus  
 erat, (verba sunt Chrysost. hom. 57. in Matth.) aspera complura  
 eis atq; ardua injunxerat, quibus subnectit dulcissimam promissionem,  
 Matth. 16. v. 28. Amen dico vobis, sunt quidam de his stantibus, qui  
 non gustabunt mortem, donec videant Filium hominis venientem in  
 regno suo. Quibus quidem verbis, Pontificii fabularum ama-  
 tores, ineptissimè, Christum Johanni Apostolo pollicitum fuisse  
 narrant, ut non moreretur ante novissimum diem. Conf.  
 Pet. de Natal. Catal. sanct. lib. 1. cap. 17. Alij eundem locutum ar-  
 bitrantur, de illa gloriâ, quâ se Apostolis suis, & alijs quibusdam  
 fidelibus, conspiciendum erat exhibiturus, post resurrectionem  
 suam, & in ascensione ad cælos. Luc. 24. v. 31, 36. & seqq. Joh.  
 20. v. 19. & seqq. Act. 13. & seqq. Nonnulli de regno gratiæ, &  
 illustri Evangelij per universum terrarum orbem propagatione,  
 egisse volunt, quos inter Beda, Regnum Dei hoc loco inquit, præ-  
 sens Ecclesia vocatur &c. Verum gloriosam transformatio-  
 nem corporis sui & vestimentorum, ac quæ circa eum alia,  
 post sextiduum acciderunt, Dominum promississe, & ex histo-  
 riâ ac verborum connexionem liquet, & ex 2. Pet. 1. v. 16. & seqq.  
 ubi de complemento promissionis loquens, speculatores inquit,  
 facti sumus, & illius magnitudinis, & vocem audivimus, de cælo allatam  
 magnificâ gloriâ, cum essemus cum ipso in monte sancto. In quâ  
 trans-



transformatione, quā ut Hieronymus ait. *non perdidit faciem, aut corpore veritatem amisit, novo assumpto, sed claritatu gloria illustratus fuit*, ut & in colloquio cum Mose & Eliā, qui & ipsi in dē. & apparuerunt, imaginem quandam gloriosi sui regni, quod sibi destinatum esset, exhibuit. *Qualis enim futurus est tempore iudicandi*, inquit, citat. loco Hieron. *talis apparuit Apostolus*; & Beda: *qualis tunc Apostolus apparuit, talis post iudicium cunctis apparebit electis*. Conf. Gerhard. LL. CC. de V. Aetern. §. 2.

§. 27. *Vnde, & a quo Christus Rex gloria sit, & gloria regnū habeat*, Vnde regnum gloriae Christi habet  
supra §. 11. in textus *ἐξ ὧν* vidimus. Est is aeternus Pater, a quo Rex ut potentiae & gratiae, sic & gloriae constitutus est. Conf. disputat de regno Christi in genere, §. 25. de regno potestatis, §. 24. de regno gratiae, §. 26. Hic immensus omnis gloriae fons est, inde Pater gloria dictus, Eph. 1. vers. 17. Et hic ex se ab aeterno gloriosus, Filium sibi gloriae aequalem genuit, ut Deum ex se Deo, sic gloriae Regem, ex se Rege: Hic eundem Filium, etiam iuxta humanitatem, in tempore Regem gloriosum fecit. ipso tamen Filio & Spiritu Sancto hic non exclusis: quod suo modo pertinet, quod verbis Majestate plenis, Apostolus cit. cap. 1. Eph. vers. 17. & seqq. de Christi exaltatione refert. Nec planē incommode hūc applicari possunt verba Christi, Joh. 8. vers. 50. *Est (aeternus Pater) qui gloriam meam querit: & 54. Est Pater meus, qui glorificat me*. Constat quidem ex textus *ἐκ τῆς*, & colloquio cum Judaeis a Christo instituto, non in specie de gloriae regno loc. cit. verba fieri, sed Christum calumnias, quibus ab hostibus incessabatur, retundere: Dixerat, Joh. 8. v. 13. *Verum esse testimonium, quod de seipso perhibeat*, dixerat vers. 16. *se ex Patre & cum eo restare*, dixerat, se majorem & priorem Abrahamo esse, vers. 53. inde Iudaei ex mentis caecitate, per quam divinam Christi gloriam videre nequibant, oclamabant, ipsum esse blasphemum, ambitiosum, & impium jactatorem, qui, quod in nullum hominem cadat, sibi impudenter tribuat. His respondet, vers. 50. *Ego gloriam meam non quero*. Quae quidem verba Chrysostomus & alij, de dilatione vindictae explicant, ut sensus sit: *Vos, dum palam ex incredibili in me odio dicitis, me esse Samaritanum, & habere Daemonium, extreme in me estis consumeliosi, quam quidem in me injuriam, ad gloriam meam tuendam, hoc momento*



mento ulcisci possem, & grave à vobis sumere supplicium, sed absti-  
neo, &c. Verum textui convenientius est, si Christi responsum,  
de vanâ gloriæ jactantiâ, quam Judæi ipsi objiciebant, intelliga-  
mus, hoc sensu: vos me hominem blasphemum, ambitiosum,  
& inanis gloriæ cupidum, proclamatis; at talis ego non sum;  
quæ enim de proprio testimonio, de ὁμολογίᾳ cum æterno Patre,  
eiusque in me essentiali habitatione, de æternitate meâ, & quod  
prius quam Abraham fuerim, dixi, in se sunt verissima, licet vor-  
bis impia & falsa videantur: non ego vanam sector gloriolam,  
nec mihi ipsi placeo; quâ in parte æternum Patrem meum, con-  
tra vos testem, vindicem, judicem habeo: Is enim est, qui & per  
æternam generationem, gloriam majestatemque suam mihi com-  
munem fecit, & in tempore, juxta carnem, me immensâ illâ af-  
fecit gloriâ, quam ab æterno apud ipsum habeo, qui gloriosum  
mihi constituit regnum, paulò post, me in gloriâ suâ thronum  
evecturus, ut æternum gloriosè regnum. Ergò hoc quoque ὑπε-  
ρασπισμῶ, Christus omnem gloriam, quam unquam habuit,  
hodièque habet, & in infinita sæcula habiturus est, æterno Patri  
fert acceptam; quem etiam cap. 17. Joh. v. 1. & 5. sublati in cœ-  
lum oculis, pro glorificatione invocat: *Pater glorifica Filium  
tuum*; quanquam, quod & petendi ratio, & fidei analogia exi-  
gunt, de se, tantum juxta humanam naturam loquatur, quo  
modo ita admirabiliter petit, ut alio respectu, nempe juxta divi-  
nam naturam, ipse quoque exaudiat, ita accipit, ut & elargiatur.  
Athan. Orat. 2. contra Arian. *Admirabile est, quod Filius cum Pa-  
tre donat, id idem, cum sit Filius, à seipso accipit, eò quod corpus ista  
recipiat.* Conf. Cyrill. l. 8. Thesaur. cap. 1. & D. Gerhard. harm.  
Evangel. cap. 180.

Christus  
iuxta u-  
tramque na-  
turâ regnū  
gloriæ ad-  
ministrat.

§. 28. Caterum si queratur, juxta quam naturam Christus  
regnum gloriæ, quod à Patre habet, administret, ex ijs quæ supra §. 11.  
& 12. ad textus ἐξουσίᾳ allata sunt, responsum petere facilè  
est. De divinâ nemo, nisi qui ipsam Christi divinitatem, cum A-  
rianis & Photinianis negat, dubitabit; Iuxta hanc enim, sicuti  
idem cum Patre Deus ejusdem Majestatis, sapientiæ, potentiæ,  
&c. ita & Rex idem, idque in omni regno divino. De eodem, juxta  
humanam naturam, præcipuè intelligendum locum, quem modo  
explicavimus, cit. §. 12, ostensum est. Quo cum conjugenda  
omnia



omnia ea Scripturæ testimonia, quæ Christum etiam *qua hominem*, in divinæ gloriæ throno collocant. Matth. 25. v. 31. *Veniet Filius hominis in gloria sua, sedens super thronum gloriæ suæ.* Ubi à subjecto, humanam naturam excludere velle, & Filium hominis, sine humanitate fingere, contradictionem in adjecto habet. Accedunt circumstantiæ aliæ, singulariter humanam naturam indigentes, ut quod visibiliter in gloriâ sit appariturus, in conspectum suum omnes orbis populos convocaturus, externâ voce sententiam prolaturus, &c. Hebr. 12. v. 2. *Respicimus in fidei ducem & consummatorem Iesum, qui proposito gaudio, pertulit crucem, ignominiam, contemptum, & ad dextram throni Dei confedit.* Quibus verbis Apostolus apertè humanam naturam respicit, juxta quam & gaudium sibi habuit propositum, quo tamen abstinuit, & crucem atque ignominiam pertulit, & tandem in throno Dei gloriôsè confedit, juxta eandem naturam gloriâ coronatus, juxta quam fuerat ignominia affectus. Apoc. 3. v. 21. *Vici & sedi cum Patre in throno eius*: Est autem victoria Christi, etiam juxta humanam naturam, ut & præcedens pugna, quo calcaneo insidias serpentis expertus est, eodem & caput ipsius contrivit, Gen. 3. v. 15. Apoc. 5. v. 6. & 12. *Agnus occisus est in medio throni, accipiens virtutem, & fortitudinem, & honorem, & gloriam.* Conf. e. 7. v. 17. Atque idem amplius patet, si per omnes partes manifestationis, atque exercitiij gloriosi regni, eamus; Ubi primum occurrit; *Mortuorum è sepulchris excitatio*, de qua passim scriptura ita loquitur, ut notanter humanæ Christi naturæ mentionem faciat. Ioh. 5. v. 28. *Veniet hora, in qua omnes qui in monumentis sunt, audient vocem Filij hominis*, 1. Cor. 15. v. 21. *Per hominem mors, & per hominem resurrectio mortuorum.* Rom. 14. v. 9. *Constitutus est Dominus vivorum & mortuorum*; adde exempla eorum, quos Christus in terris ad hanc vitam è morte revocavit, Matth. 9. v. 25. Luc. 9. v. 14. Ioh. 11. v. 43. ubi, quia tactus organo & humanâ voce usus est, à miraculis istis operibus, naturam suam humanam nequaquam sequestrandam esse, palàm docuit. *Mortuorum resurrectionem sequitur ultimi & universalis judicii administratio*, cujus potestatem Christo juxta humanam naturam datam esse, clarissima verba Ioh. 5. v. 27. evincunt: *Pater dedit potestatem faciendi judicium Filio, quia Filius hominis est*; nec aliam fert sententiam,



rentiam ipsa iudicis descriptio, qui dicitur venturus in nubibus cœli, Matth. 24. v. 30. *conspiciendus ab omnibus*, Zach. 12. v. 13. Apoc. 1. v. 7. compellaturus electos & damnatos, Matth. 25. v. 34. & 40. Quæ & alia id genus plura, humanam Christi naturam propriè notant. Quorsum & reliqua pertinent, scil. *separatio impiorum à piis, horum ad dextram collocatio, blanda invitatio, in locum gaudij introductio, abundantissima cœlestium bonorum communicatio, æterna in cœlis cohabitatio*, quæ omnia, Christo etiam secundum humanitatem in sacris literis tribuuntur, quod in articulis de mortuorum resurrectione, extremo iudicio, & vita æterna uberius demonstratur.

§. 29. Orthodoxam hanc de Christo, gloriæ regnum, juxta utramq; , adeoq; in primis etiã juxta humanam naturã administrante sententiã, corrumpunt *in defectu Calviniani*, dum carnem Christi à reali participatione infinitæ gloriæ, ex unione personali promanante, excludunt; In throno immensæ majestatis sedem illi concedunt, sed ut *duplicem ad dextram Patris sessionem*, sic & *duplicem paternam gloriæ thronum*, fingunt: *Vnum superiorem*, in quo & ex quo Christus juxta divinitatem, æquali cum Patre gloriã, sapientiã & potentiã præditus, sedeat & regnet. Conf. Martin. in spic. p. 150. Ursinum in Explic. Catech. p. 351. Alterum inferiorem, in quo & ex quo, juxta humanam naturam, *summum quidem & gloriosum imperium habeat*, sed proxime post Deum. Mart. in spic. p. 143. Sit beatorum ceteris creaturis, & habeat super omnes creaturas regiam & judiciariam potestatem, sed finitam, polleat gloriã & dignitate, quantam maximam capiat res creata, super omnes Angelos & homines. Bucan. Loc. 28. q. 11. Sohn. tom. 2. pag. 279. Sed quis unquam, vel duplicem sessionem ad dextram Patris, vel duplicem Patris æterni thronum, in Scripturis legit? Est dextra Dei in hoc articulo non nisi una, non nisi unus infinitæ virtutis & majestatis thronus, inde non nisi una sessio, unum gloriosum regnum, Christo juxta utramque naturam, licet ex diverso principio, adscriptum. Conf. Apoc. 3. v. 21. *Ego vici, & sedi cum Patre meo in throno ejus*. Vehementer ineptiunt, qui, ut postulatum suum de Christi regno gloriæ à Deo proximo, obtineant, adducunt ex Zachar. 13. v. 6. *Phrymæa suscitare super pastorem meum, & super virum consortem (proximum) mibi &c.* Quæ



Quæ æterni Patris verba, tantum abest, ut diversam potestatem, gloriam, regnum, exprimant, ut potius, è contrario, Christi cum æterno Patre *quodolam* & æqualitatem, stabiliant. Ipse Piscator hoc agnoscat, in c. 13. Zachar. scribens, ad verba proximum meum vel socium meum. Hac voce innuitur æqualitas Christi cum Patre; Nec aliter Junius & Tremellius: Hoc nomine, (proximum) Deus Pater Magnificè appellat Christum, quia Christus est alter idem, imago Dei invisibilis &c. In excessu Schwenckfeldiani, qui quidem vi-  
 deri volunt Christi humanam naturam, in statu & regno gloriæ Schwenckfeldianorū salvam tueri, sed opere ipso, & monstrosis suis opinionibus, totam destruunt, ut præter divinitatem in Christo nihil relinquunt. Ajunt per manifestam contradictionem, è Magistri sui scholâ in 1. Apologia ad Princip. Lignic. Homo Iesus Christus, natura sua humana indeleta, per suam glorificationem, & divinam primogenituram ex mortuis, essentiâ, vitâ, regno, dignitate, & potentiâ, in & cum Deo, omne hoc quod Deus est, factus est. Et rursus: Homo Iesus, suo corpore, sanguine, & carne, totus est eius Essentia & Potentia, cuius est Deus Pater, & coæternum atq; omnipotens eius verbum ante incarnationem fuit, ut & cum Spir. S., in Essentiâ divinâ unus. Iterum: Christus in gloria non solû non est creatura, sed & prorsus nulla creaturali conditio & proprietatibus in ipsum toto corpore & sanguine invenitur. Amplius: Sedere ad dextram Dei, nihil aliud significat, quam quod humanitas sit in Christo suæ æternæ divinitati æqualis, in & cum ea prorsus unius essentiâ & potentiâ, maiestati & dignitati. Conf. Confessionem ejus magnam; item de filiâ. & gloria Christi, de Trinitate &c. ubi articulum Deificationis, (Germanicè *Gottseverdung* / sic enim eam vocat) pertractat. Ex quibus omnibus liquet, quicquid de humanâ Christi naturâ, in regno gloriæ, Schwenckfeldiani, & qui ipsis aditipulantur, dicant, eos revera naturam ipsam evertere, adeoque negare, quod Christus etiam juxta humanam naturam, quæ verè humana, & à divinâ naturâ, essentiâ, proprietatibus divisa sit, regnum gloriæ administret. In quo errore confutando, nostrum non est, hic operose laborare, quod superioribus annis factum, à Doctore Wigando, in Schwenckfeldianismo uberrimè, à pag. 134 ad 258. à Doct. Lucâ Osiandro seniore, in *Widerlegung der Befannniß Caspar Schwenckfelds* / à pag. 156. usq; ad pag. 175. Ex historia Evangelii-



42

angelicâ abunde constat, Christum eodem corpore, quo mortuus & sepultus est, resuscitatum esse, discipulis aliisque videndum contrectandumque se exhibuisse, eodemque in cœlos ascendisse; adeoque regnum gloriæ, ad ejus æternam administrationem esse ingressum, venturum in carne suâ visibiliter ad judicium, & ab ijs, qui ipsum confixerunt, visum iri, ac post judicium, electos suos, secum in æternam gloriam introducturum, ut ex ipsius, tanquam fratris aspectu, ineffabili gaudio perfundantur. Quæ omnia olim Schvvenckfeld, felicioris quam melioris ingenij, homo fanaticus, loquax, scribax, insignis hypocrita, qui post tot admonitiones, suberbè contemptas, in reprobum sensum datus, nec capere nec intelligere potuit, aut potius voluit. Conf. Petrum Piscator. Profess. Ienens. comment. in formul. Concord. disput. 13. p. 717. seqq.

An Christus in regno gloriæ ministris utatur?

§. 30. Sed, an Christus Rex gloriæ, uti in potentia & gratia regno, sic & in hoc libere ministris & organis utitur? Sanè id absolutè negari nequit, si certos gloriosæ gubernationis actus spectemus, nimirum illos, quos in gloriosa ultimi judicij administratione concursuros, Scriptura prædicit, quales sunt: inauditus, & nobis hoc vitæ statu ineffabilis tuba clangor, hominum omnium è sepulchris & morte suscitatorum congregatio, congregatorum in duas classes distributio, electorum ad Christi dextram, impiorum ad ejus sinistram, collocatio &c. Ad quos, quod Angelorum ministerium Rex Christus libere adhibiturus sit, ex sacris literis clarum est. Matth. 24. vers. 31. Filius hominis mittet Angelos suos, cum tuba vocis magna, v. 31. Angeli congregabunt electos à quatuor ventis mundi, cap. 25. v. 32. Congregabuntur ante Christum omnes gentes, cap. 13. vers. 49. Angeli separabunt malos de medio justorum. Conf. 1. Cor. 15. v. 51. 1. Thes. 4. v. 16. Marc. 13. v. 27. Huc pertinent, quæ & ipsis Angelis ministris tribuuntur: majesticus Christi Regis ad judicium descendenti comitatus, Luc. 21. v. 26. Damnatorum, post latam sententiam in infernum deversio, vel, quæ Scripturæ vox est, Matth. 13. v. 41. in taminum ignis missio, piorum & electorum lætissima in locum gaudij & cœlestes sedes deductio. Uti enim hodiè Angeli, singulorum piorum animas, corporibus egredientes, in sinum Abrahamæ deportant, Luc. 16. v. 22. sic & omnes simul in vitam æternam ingredientibus, cum applausu de-



in deducunt, ipsi sese, & sibi ipsos chorisq; suis immiscentes. Sed & horum electorum ministerium, Rex Christus, in glorioso iudicio adhibebit, quos Scriptura testante, habebit. Affectores & testes Matth. 19. v. 28. *Sedentes super sedes duodecim, iudicantes duodecim tribus Israel.* Conf. 1. Cor. 6. v. 2. Apoc. 3. vers 21. *See consummatio seculi, quæ ipsa quoque gloriosus actus futurus est, fiet mediante igne, 2 Pet. 3. v. 7. elementa igne accensa solventur, terra autem, & quæ in ea opera sunt, exurentur: qui ignis, qualis futurus sit, novit, qui eundem potentia sua excitabit.*

§. 31. Verum si ab his, qui quidem etiam ad plenum Christi gloria regnum, sed tamen tanquam actus quidam preparatorii, referuntur, in ipsa celestis gloria domicilia, atque ad jucundissimam Christi & electorum cohabitationem, Scripturæ Duce, ingrediamur, & quo pacto sese æternorum gaudiorum tam collatio, tum perceptio habeat, æstimemus, *Vix minister & organum ulli, sicut in regno potentia & gratia, locus relinquatur.* Erat enim tunc Deus, Rex gloriae Christus, cum Patre & Spiritu Sancto immediate ipse omnia in omnibus, 1. Cor. 15. v. 28. In regno potentia, dum hic vitam agimus, per multos quæ, variolque canales, sua ad nos beneficia deducit, ut servemur: quorum nullus in vita altera & regno gloria, conspicitur, quæ de re Gregor. Nyssæ. disputat. de anima & resurrect. tom. 3. edit. Paris pag 228. & seqq. *In vita inquit, quam in præsentia transigimus, varia pariter & multe res sunt, quarum participes sumus, ut temporis, ut aëris, ut loci, cibi, & potus, ut tegumentorum, ut solis, lucernarumq; ut aliarum multarum, ad usum vitæ necessariorum, quarum rerum nulla Deus est: beatitudo verò quæ expectatur, nullius quidem harum rerum egena est; omnia enim nobis, locosq; omnium erit divina natura, ad omnem usum ac necessitatem illius vitæ sese convenienter & aptè impertiens: atq; ut planum & manifestum est ex sacris oraculis, quod Deus & locus existit ipsi qui digni sunt, & domus, & indumentum, & cibus, & lumen, & divitiæ, & regnum, ac quicquid vel mente concipi vel nominari potest, quod nobis conferat & conducat ad bonam vitam, &c.* Sic in regno gratia, Christus sua constituit organa personalia & realia ordinaria & extraordinaria, per quæ sua nobis spiritualia beneficia confert, nos de vitæ latitudine format, consolatur, illuminat, regenerat, iustificat, sanctificat &c.



44  
de quibus præced. disput. §. 29. & seqq. distinctè actum. At in re-  
gno gloriæ, his omnibus remotis, & sublato speculo, seipsum &  
gloriam suam beatīs conspiciendam sistet, ut ipsum videamus si-  
cuti est, 1. Joh. 3. v. 2. *Non habebit templum cœlestis Hierosolyma*, in  
quo audiantur concionatores, administrentur sacramenta, aut  
alia huic gratiæ statui propria, peragantur, sed Dominus ipse, &  
Deus omnipotens eius est templum, & agnus, Apoc. 21. v. 22. *Sancto-  
rum Doctorum* inquit Cassiodorus, in presenti tantum vita necessa-  
ria est predicatio, & doctrina; Nam in alia vita, postquam appaue-  
rit æterna dies & finita fuerit nox presentis seculi, non necesse erit  
doceri aliquem, quia omnes revelatâ facie gloriam Domini contempla-  
buntur. Conf. Luth. in enarrat. c. 15. prior. ad Corinth. tom. 6.  
Jenens. Germanico p. 242. v. 6. & seqq. ut & comment. in cap. 2.  
Epist. Post. Petri ubi ad verba erimus *Sciās novorū quōtos*. Nul-  
lum ait, extare in Novo & Veteri Testamento locum, huic majestate  
similem, quanquam infideles eundem parum curent. Addit: quid  
est divina natura? Est æterna veritas, justitia, sapientia, vita, pax,  
gaudium, & quicquid boni nomine comprehenditur: iam qui divina  
natura consors efficitur, hæc omnia consequitur. Ergo quod Chri-  
stus ex libertate facit, ut in regno potentiæ & gratiæ, ad varia be-  
neficia exhibenda, creaturarum ministerio utatur, id ex eadem  
libertate non facturus est, in regno gloriæ, sed ipse immediatè o-  
mnia erit. Sanè, quod & in disputat. de regno Christi in gene-  
re, sub finem §. 28. diximus, beati in futura vita & regno gloriæ,  
etiam ex mutua conversatione & colloquio, nec non ex ju-  
cundissima cum beatīs Angelis societate, ac pulcherrimis sedi-  
bus, amplissima capient gaudia, sed ea tamen omnia, Deus &  
Christus, qui omnia in omnibus erit, præsentissimus dabit. A-  
poc. 21. v. 3, cap. 22. v. 23.

§. 32. Pergimus ad materiam circa quam, sive objectum,  
regni gloriæ, quod nobis ejus incolæ sunt & cives. Apostolis hoc  
regnum dispositum esse, supra §. 15. & 16. ex textus explicatio-  
ne diximus, ubi tamen additum, non eos solos esse, sed alios plu-  
res, quibus tanta bona parata. Videndum ergo, qui, præter Apo-  
stolos, & nunc sint, & aliquando sint futuri, regni gloriæ cives  
& hæredes; Ubi primas Angeli habent, qui in concreatâ sanctitate  
& ju-

Obiectum  
regni glo-  
riæ

Angeli  
boni



& iustitiâ perstiterunt, & mox gratuitum confirmationis bonum sunt consecuti, ex quo, ad gloriam quâ æternum fruuntur sunt evecti, cujus perfectionem ex primâ creatione, si omnia diligenter expendamus, eos non habuisse, asserendum est. In felicissimo quidem statu, à primo creationis momento, fuerant, quanquam ea felicitas certò definiri nequeat, cum verbi divini revelatione hâc etiam in parte destituamur; sed non illicò in glorioso, de quo nobis hic sermo est, qui beatificam Dei visionem atque simul incomparabile privilegium *beatitudinis*, complectitur. Eadem & communis fuit omnium Angelorum, posteaquam, ut aliæ creaturæ, ex nihilo præductæ sunt, fors & ratio: ad æternam & gloriosam vitam fuerunt conditi, sed, ut certo ordine, ac cum conditione perseverantiæ, eam assequerentur: sua interim omnibus ipsis constabat beatitudo & felicitas, quæ ad perfectionem via erat. Qui itaque in viâ illa fidem præstiterunt boni Angeli, post confirmationem, in regnum gloriosum, ad beatam Dei visionem, sine morâ suscepti sunt: quod, quo pacto factum, rursus à nobis explicari nequit: reliquis, qui fidem fregerunt, & in *avocatus* prolapsi, tum ex concreatâ felicitate, tum ex spe consequendæ gloriæ deturbatis. Quemadmodum enim & homines sapientissimus & liberrimus creator, ad vitam & gloriam æternam creavit, Sap. 2. v. 23. Sed ut prius in alio vitæ statu, qui & ipsis sat felix esset, debitum ipsi cultum & obedientiam, juxta sancitam legem, constanter præstarent; quo facto demum, ratione, modo, & tempore Deo cognitis, ad cælestis vitæ gaudia, Deique visionem, fuissent translati. Sic etiam Angelos ad gloriosam vitam conditos, non statim ipso creationis momento eâdem beavit, sed sapientissimâ & liberrimâ voluntate, prius viatores, quæ Scholasticorum vox est, eos, ac in tali statu esse voluit, in quo liberè ipsi, sine tamen confirmatione, servirent, & ex concreatis sanctitatis & liberi arbitrii viribus, non peccare, licet, si malitiosè ijsdem abuterentur, etiâ peccare possent. Quod si itaque, quæ optimi creatoris voluntas fuit & intentio, omnes in viâ sibi destinatâ fideliter, quod facillè poterant, & à multis factum, ambulassent, omnes etiam in gloriam ac conspectum Dei fuissent assumpti. Quia verò aliqui tantum ex legitimo liberi arbitrii usu, in via constantiam præstiterunt,



liqui ex turpi ejusdem abusu, à via deflexerunt, hinc factum, ut illi tantum ex gratia gloriæ participes facti, hi verò, ex merito, sedibus suis, & à spe gloriæ sint dejecti. Ex quo patet, Angelos malos, licet suo modo ex creatione beati fuerint, gloriosos tamen vultus divini contemplantos, adedque regni hujus, de quo agimus, cives nunquam extulisse, cum, qui hujus regni jura, inter quæ Dei visio eminet, semel ex gratiâ divina obtinet, ea nunquam amittere possit. Inter plurima enim, & nobis infinita alia cæli bona, Dei visio etiam *ἀνταρτίσις* beneficium & in bono confirmationem comprehendit, ut, qui ea fruitur, ejus sese voluntas à Deo nunquam avertere, aut in peccatum prolabi possit. August. lib. de Civ. D. II. cap. 11. pag. 622. *Spiritus tenebræ, quos Angelos dicimus, simul ut facti sunt, lux facti sunt, ita tamen creati, ut illuminati, sapienter beatiq; viverent: ab hac illuminatione averſi quidam Angeli, non obtinuerunt excellentiam sapientis beatiq; vite, que procul dubiò non nisi æterna, æternitatinq; sua esset certa atq; secunda. Quatenus autem antequam peccassent, illius sapientia fuerint participes, definire quis potest? Conf. seqq. Ut & quæ graviter pièque Ludov. Vives ad dictum caput, contra vanam scholasticorum curiositatem commentatus est; huc non adscribenda.*

Homines.

§. 33. Angelis beatis, in regno gloriæ *συμμετέχουσιν*, sunt homines, & voto quidè divine antecedente omnes, sine exceptione. Si enim certum est, Deum ab æterno serò voluisse, ut omnes homines ordinis constituti observatione, salvi fierent, 1. Tim. 2. v. 4. quin gloriæ regni cives esse etiam voluerit, negari nullo modo potest, cum hæc per omnia idem sint. Habet omninò, ut prima hominis creatio, sic & redemptio per Christum facta scopum, eorundem omnium æternam beatitudinem, quo nomine etiam omnibus, ad regnum gratiæ in his teritis janua patet, ut per illud, tanquam per atrium, in regni gloriæ adita tranſeant. Sed quia hic non de eo quod in votis suo modo Deus habet, sed quod ipso opere ex voto consequitur, non de ijs quos vult esse, sed qui re ipsa partim jam sunt, partim summi sunt regni gloriæ cives, agimus: ideoque ex totius Scripturæ unanimi sententia,

Perseveranter  
credentes,

*non nisi credentes, & quidem finaliter ac perseveranter credentes, cæli cives*



aires dicere possumus. Regnum gratia nonnihil amplius est, ut quos-  
 cunque credentes, quando & quamdiu credunt, sinu suo soveat.  
 Conf. præced. disput. §. 33. sed regno gloriae, non nisi illi adleri-  
 buntur, qui in regno gratiae fide usque ad finem perseverant. Mat.  
 24. v. 13. qui perseveraverit usque ad finem, salvus erit. Apoc. 2. v. 10.  
 Es fidelis usque ad mortem, & dabo tibi coronam vitae. Qui vero in-  
 clinans animos suos ad itinera tortuosa, amandabit eos Iehova, cum  
 is, qui dant operam iniquitati, Pl. 125. v. 8. Atque hi tales, qui  
 finaliter credunt, cujuscunque sint gentis, nationis & populi,  
 cujuscunque sexus & ætatis, digni hoc regno ex gratia habentur;  
 sive ab Oriente, sive occidente veniant, recumbunt cum Abrahamo  
 in regno calorum, Matth. 8. v. 11. quia Deus non est acceptor perso-  
 narum, sed ex omni gente, qui timet eum, & operatur justitiam, carus  
 est illi, Act. 10. v. 34. Unde Johannes Apoc. 7. v. 9. turbam bea-  
 tam vidisti collectam ex omnibus gentibus & tribubus, & populo & lin-  
 guis, qui quidem pauci sunt, si cum maximo damnatorum cœtu,  
 & impiorum colluvie conferantur: pauci enim ex multo vocatis  
 electi, Matth. 20. v. 16. cap. 22. v. 14. Pauci inveniunt viam arctam  
 & angustam portam vitæ, Luc. 13. 23. sed tamen in se multi, Matth.  
 8. v. 11. & magna turba, Apoc. loc. cit. Augustin. sermone 32. de  
 verbo Domini tom. 10. pag. 125. Pauci sunt qui salvantur, in com-  
 paratione multorum percurrentium, sed ipsi pauci, magnam massam fa-  
 cturi sunt, cum venerit ventilator, habens ventilabrum in manu sua,  
 & mundabit aream suam, tanta massa processura est de hac area, ut  
 impleat horreum cœli &c. Neminem ergo ex semel damnato huc ad-  
 mittit scriptura, quod olim Origenes affirmasse creditur: neminem ex  
 gentilibus & Ethnicis vera fide destitutum, nullum Nymam, nullum A-  
 ristidem, nullum Socratem admittit, quos Zwinglius quantum in  
 se, & cum eo nonnulli ex Pontificijs, (quibus & Erasmus Ro-  
 terod., qui simulachra virtutum, quæ celebrium Ethnicorum ver-  
 ba per se tolerant, nimium admiratus est, passim se locum præ-  
 buit. Vide vel solum convivium religiosum in colloq. tom. 1.  
 operum pag. 574.) in cœlestibus sedibus collocarunt. Conf.  
 D. Gerhard. uber. Exegesi Loc. sec. de naturâ & attributis divinis  
 §. 81. seqq. Schlüsselburg. Theolog. Calvinian. lib. 3. artic. 7.  
 pag. 123. 1694.



Forma.

Gloriosè  
Monar-  
chica.

§. 34. *Forma & regnandi ratio*, qualis in hoc regno sit, ex hæcenus explicatis non obscurè patet. Christum in omni regno, cum Patre & Spiritu Sancto Monarcham esse, atque omnia divinè præsenterq; gubernare, disput. de regno ejus in genere, §. 30. ostensum. Conf. etiam disput. de regno gratiæ, §. 36. Eadem regnandi ratio & hîc locum habet adedque *divinè & gloriosè est Monarchica*. Solus cum Patre & Spiritu Sancto Christus, ut in regno potentiæ & gratiæ, ita etiam in gloriæ regno regnat, nullum habens parem, minus superiorem. Sanè & electos, regni sui cives, hoc honoris titulo dignatur, ut *Reges* appellet, qui hoc nomine sibi gratulantur, Apoc. i. v. 16. *Fecit nos (Christus) Reges & sacerdotes, Deo & Patri suo* cap. 5. v. 10. *Fecisti nos Deo nostro Reges & Sacerdotes, & regnabimus super terram*, sed non cum nomine in æqualitatem majestatis aut regiæ dignitatis thronum evehit, ut, quâ ratione ipse, eadem & illi gloriosè regnent. Uti enim alio longè modo ipse sacerdos est, scil. oblatione sui ipsius in sacrificium pro peccatis totius mundi, & virtute istius sacrificii, assiduâ pro humano genere ad dextram Patris intercessione, alio illi, scil. oblatione hostiarum spiritualium, precum, laudis, gratiarum actionis, corporum propriorum in promptum obsequium. Rom. 12. vers. 1. Sic quoque alia prorsus ratione Rex ipse est, omnium scil. supremus, Rex immensæ majestatis, sapientiæ, potentiæ, à nullo superiori dependens, Rex Regum *αυτοβασιλεύς*, ut sic dicamus, qui alios facit Reges: illi verò Reges sunt certo respectu: Reges, quod ipsimet fatentur, facti Reges, non quod in gloriæ regnū, adedq; Angelos & electos alios Dominium habeant & usurpent, sed quod in Rege suo Christo, per & propter ipsum, de victis peccato, carne, Satana, mundo, morte, inferno, æternum triumphant, unde Reges quidem se factos ajunt, sed ita, ut Regi Jesu Christo, *omnem gloriam & imperium, in secula seculorum* tribuenda, & unicè relinquenda esse agnoscant. Apoc. i. vers. 6. ut omnes uno ore exclament: *Dignus est agnus qui occisus est, accipere honorem & gloriam, & virtutem & fortitudinem &c.* cap. 5. v. 11. & seqq. Conf. Anselmum epist. 2. ad Hugonem tom. 3. p. g. 201. quâ hominum mentes ad contemptum seculi, & æterni regni desiderium incitat,



rat, ubi piorum regnandi in calu felicitatem & perfectionem con-  
firmit in summâ voluntatum inter se & cum divina voluntate har-  
monia. Sic singuli inquit, erunt perfecti Reges, quia quod singuli vo-  
lent, hoc erit, & omnes simul cum Deo unus Rex. (hæc cum gra-  
do salis accipienda) & unus quasi homo, quia omnes unum volent,  
& quod volent, erit &c.

§. 35. Quod verò Rex Christus, præsentissime regnum  
gloriæ & hodiè administret, & in omnem æternitatem sit admi-  
nistraturus, ex scripturis sacris clarius est, quàm ut probatione Christus  
indigere videatur. Cum enim regno omni divino modo, adeo præiens  
que præsentissime præsit, cum in regno potentiz, hodiè, &c. regnat  
lum, terram, maria, & quæ his continentur omnia præsentif-  
simè videat, moderetur, & pro iudiciis conservet. Conf. disp.  
de regno potentiz, §. 28. & 29. cum in regno gratiz itidem sit,  
ubique duo aut tres congregati sunt in nomine ipsius. Matth. 18.  
vers. 20. & quidem in medio ipsorum; sit cum fidelibus usq. ad con-  
summationem seculi. Matth. 28 vers. 10. disput. de regno gratiz,  
§. 36. Multò magis gloriæ regno ac eiusdem civibus, cum præ-  
sentissimè esse, credendum est. quæ de re Spiritus Sanctus aper-  
tissimè iuxta suavissimèque variis Scripturæ locis loquitur. Pul-  
cherissima sunt verba, Apoc 21. vers. 2. & 3. Vides sanctam civi-  
tatem Ierusalem &c. & audivi vocem magnam de throno: Ecce ta-  
berna ulum Dei cum hominibus, & habitabit cum eis, & ipsi populus  
eius erunt, & ipse Deus cum eis, erit eorum Deus. Est & in Ecclesiâ  
militante præsens fidelibus Rex Christus, cum Patre & Spiritu  
Sancto, ut modo dictum, multa exhibens beneficia, sed in fu-  
turo seculo, longè ampliora in beatos effundet, ubi eum coràm  
videbunt. Conf. Osiandrum. Rectissimè Flacius in glossa sua  
ad hoc. citat. Est positiva descriptio beatitudinis electorum, quod  
Deus nobiscum habitabit, eritq. noster Deus, & nos eius populus. Deus  
quidem jam quoq. nobiscum est, sed tunc plenâ, manifestâ, ac, ut ita  
dicam visibili & prorsus efficaci præsentia, nobiscum versabitur, &c.  
Non minus dulces sunt promissiones, quibus fid. libus spem fa-  
cit Spiritus Sanctus, fore, ut post excessum ex hac vita, cum  
Christo sint futuri. Joh. 17. vers. 24. Philip 1. vers. 23. 1. Thes.  
4. vers. 17. Conf. August. tract. 111. super Johannem, ad verba  
Christi



Christi, Joh. 17. vers. 24. *Pater quos dedisti mihi volo, ut ubi ego sum, & illi sint mecum &c.* ubi post multa. Non inquit, satis sunt (Christo) dicere. Volo, ut ubi ego sum, ibi & illi sint, sed addidit mecum. Esse enim cum illo, magnum bonum est; nam & miseri esse possunt ubi est ille, quoniam quicumque ubicumque fuerint, ibi & ille est: sed beati soli sunt cum illo, quia beati esse non poterunt, nisi ex illo, Conf. seqq. plura. Quid etiam referenda verba Apostoli inexhaustæ potentia, sapientia, bonitatis, jucunditatis, 1. Cor. 13. vers. 28. supra §. 30. adducta. Deus in regno gloria erit omnia in omnibus: Quæ præter alia nobis ineffabilia bona, omnino etiam suavissimam Christi præsentiam, pollicentur. Pulchre Cyprian. serm. de ascensu Domini circa finem. pag. 484. *Ibi sancti in gloria videbunt Deum, non gustabunt tantum, quam suavis sit Dominus, sed implebuntur & satiabuntur, dulcedine mirifica, nihil illis deerit, nihil oherit, omne desiderium eorum Christus præsens implebit &c.* Et mox: *Erit denique Deus omnia in omnibus, & eius præsentia, omnes anima & corporis implebit appetitus, &c.*

Finis.

§. 36. Finis, (cum quo & effecta conjugimus) huius regni, ex parte Dei, rursus est eiusdem gloria, quæ licet etiam in regno potentia suo modo, & videatur, & audiatur, celi enim enarrant gloriam Dei. Psal. 19. vers. 1. & amplius in regno gratia ex admirandis operibus, stupendæ sapientia, potentia, misericordiae divinæ testibus, à pijs agnoscatur, omnium tamen maximè, in regno gloriae manifestatur, ubi denum & angelis & hominibus, ipsi quoque Satanæ in conspectum ponit gloriam omnipotentia, quâ, quod ab æterno decrevit, contra omnium hostium conatus & furores, exequatur, præcipuè in electis suis, per varia pericula, tentationes & insultus, ad salutem provehendis. Ponit gloriam sapientia, quâ, præter omnium & Angelorum & hominum, ac rursus ipsius Satanæ opinionem & expectationem, ratione incomprehensibili præstat, quod constituit. Ponit gloriam misericordiae & bonitatis, quâ fideles immerentes, quos in gratiam, dum hic vixerunt, recepit, etiam cælesti gloria ornatur. Ex parte Christi deus pater, ipsius honor est. Uti enim Christus in carnem venit, servili formâ sumptâ, ut in eâ ministraret,

& da-



& daret animam suam redemptionem pro multis. Matth. 20. vers.  
 28. Sic gloria ipsi regnum paratum, in quod exaltatus est, ut  
 dominaretur, ipsique flexis genibus servirent *caelestia, terrestria,*  
*& inferna, & omnis lingua confiteretur, quia ipse est Dominus*  
*in gloriam Dei Patris, Philipp. 2. vers. 10. & 11.* Ex parte san-  
 ctorum Angelorum, *incrementum gaudij caelestis.* Sincerus & fer-  
 vens est Angelorum in homines amor, qui, cum sciant omnium  
 hominum salutem Deum velle, eandem & ipsi in votis habent,  
 unde novum gaudium toties concipiunt, quoties aliquis *pescato-*  
*rum convertitur.* Luc. 15. vers. 7. Quod si ita est, longè magis  
 ipsos gaudere credendum est, quando, qui in conversione inter  
 seculi pericula perseverarunt, è regno gratiae, in regnum gloriae  
 transferuntur, unde etiam lati manibus suis atque ulnis eorum-  
 dem animas suscipiunt, atq; *in sinum Abrahae deportant.* Luc. 16.  
 vers. 22. Omnium verò, quod hinc sequitur, amplissimum  
 gaudium percepturi sunt, cum universum electorum cœtum,  
 sub finem mundi, à Christo Rege ex omnibus mundi plagis  
 congregatum, magno triumpho in caelestia domicilia intro-  
 duci videbunt, quem omnino cum latissimis congratulatio-  
 nibus, in commercium suum ad æternam cohabitationem  
 sunt accepturi. Ex parte electorum hominum, *actualis & realis*  
*perceptio omnium bonorum caelestium, in regno gratiae promissa-*  
*rum.* Sumus, quotquot in Christum credimus, regenerati in  
 spem vivam, in hereditatem incorruptibilem, & incontamina-  
 tam, & immarcescibilem, quæ nobis promissa, 1. Petr. 1. vers.  
 3. & 4. *Sed ea asservatur in calis, ibid. nec prius quam è gra-*  
*tia in gloriam abeamus, confertur.* In domo Patris nostri sunt  
 multa mansiones, à Christo nobis parata, Joh. 14. vers. 2. Sed prius  
 quam ille gloriôsè veniat, & accipiat nos ad seipsum, occupa-  
 re eas non possumus, ibid. Salvi jam facti sumus, sed spe, Rom. 8.  
 vers. 24. cuius spei impletionem, per patientiam in futura vita ex-  
 pectamus, cit. cap. vers. 25. Nominamur jam & sumus Filij Dei,  
 1. Joh. 3. vers. 1. & 2. Sed in regno gratiae, dignitas ea, cruce &  
 calamitatibus involuta est, ut nondum appareat: scimus autem,  
 quoniam tam apparuerit, in nostri ex regno gratiae in regnum  
 gloriae, juxta divinas promissiones, translatione, *similes Deo eri-*



mus, quia videbimus cum sicuti est, ibid. Ex parte impiorum damnatorum, adedq; ipsius etiam Satana, extremus horror & confusio: Quantam enim de cœlesti gloria, quâ fulgebunt electi, latitiam haurient, tanto horrore & ignominia ex ejusdē conspectu damnati afficientur. De quo graphicè, Sap. 5. vers. 1. seqq. *Iusti gloriosè stabunt in πονηρῇ παρρησίᾳ, contra faciem eorum, qui ipsos angustiauerunt.* Hi autem videntes ipsos, turbabantur, timore horribili, & stupebunt in insperata eorum salute, præ angustia gementes &c. Vide de hoc argumento, prolixè ac magno affectu agentem post alios, Ephræm Syrum, tractat. de variis tormentis inferni. pag. 891. seqq. Eundem, & fortè majorem horrorem & confusionem, sentient Diaboli, impiorum seductores, quibus, uti singulariter *infernus paratus est*, Matth. 25. vers. 41. Sic quoque quicquid infernalium pœnarum, quarum quidem capaces sunt, nomine intelligitur, quò etiam horror & ignomina, ex electorum gloria pertinet. Conf. Gerh. de Extr. iud. cap. 4. §. 45.

Tempus.

§. 37. De tempore huius regni cum quaeritur, quando cæperit, & quamdiu duraturum sit, distinctè respondendum est. Est regnandi majestas, quam in divinis cum æterno Patre & Spiritu Sancto, Christus communem habet, æterna, & hinc initio caret. Cæpit autem Christus juxta divinitatem, cum Patre & Spiritu Sancto, actu gloriosè regnare, ex quo cives gloriosos habuit, atque ipsos fecit, id est, ex quo Angelos in sanctitate & iustitia concreata constanter perseverantes, ex gratia in bono, ne unquam eo exciderent, confirmavit, adedque ex viatoribus contemplatores, qui faciem Patris cœlestis semper vident, fecit: in quorum postea societatem, animarū sanctorum & fidelium, quæ à mundi origine, corporibus suis egressæ sunt, ad augendum gloriosorum civium numerum, & regni felicia incrementa, sunt susceptæ. Juxta utramque, atque ita etiam humanam naturam, quando actu, gloriosè regnare cæperit, ex clarissimis Scripturæ testimoniis habemus. Ipse de seipso, Luc. 24. vers. 26. ait: *Hæc oportuit Christum pati, & ita intrare in gloriam suam;* ubi, sicuti voce gloria, omnis regni actualem & continuam administrationem, quâ in statu exinanitionis liberè, nostro commodo, abstinuit, intelligit: ita vel in primis ad regnum



gnum gloriæ respicit, cuius moderationem se jam, superatis passionibus, aggredi, inquit. Ergo Rex quidem gloriæ, etiam ut homo, statim à prima conceptione fuit, omnis gloriæ possessor, sed actu gloriôsè non regnavit, quod demum factum, quo tempore passionibus finis fuit impositus, id est, cum animam, quam passuerat, resumpsit, & ex mortuis rediit, quo pertinet victoriosus & gloriosus ad inferos descensus, victoriosa & gloriosa in corpore & animâ, undique ex momento vivificationis, gloriosus, resurrectio, ut, licet ex libera *ἀπορίας* se quadraginta dierum spacio, per intervalla, videndum contrectandumque exhibuerit, comederit & biberit, ambulârit, &c. nequaquam tamen *ἐν τῇ ἀπορίας* sed *ἐν τῇ ἀπορίας* habuerit; Victoriosa & gloriosa in celos ascensio, quâ è terris visibiliter subvectus, & tandem à nube è conspectu videntium ablatu est; Et, qua propriè completèque in gloriam ingressus dicitur, ad æterni Patris dextram sessio, quâ ubi caput, Christus demum omni gloriâ celesti, & ipse quâ corpus, quâ animam, coronatus est, & regni sui gloriosi, deinceps in omnem æternitatem administrandi, initium fecit. Quò referenda omnia Scripturæ testimonia, quæ hanc hanc majestaticam & gloriosam sessionem describunt. Ps. 8, v. 6. & seqq. & 110, v. 1. & 7. Marc. 16, vers. 19. 1. Corinth. 15, vers. 26. Eph. 1, vers. 20, seqq. cap. 4, vers. 8. Heb. 2, vers. 6, seqq. cap. 12, v. 2. 1. Pet. 3, v. 22.

§. 38. Caterum, licet certo modo ex horâ suâ ad dextram Patris exaltationis gloriosè Christus regnet, atque ipse in gloria, gloriosos regni cives & incolas habeat, nondum tamen omnes ab æterno prævisos, prædestinatos, electos habet, quorum adhuc forè multi nondum nati, multi adhuc in regno gratiæ peregrinantur, & quos ex hominibus habet, pauci sunt, qui jam corpore & animâ sint glorificati. Henoch sc. Moyses, & Elias, atque illi, qui Christo resurgente, & ipsi resuscitati atque unâ cum ipso in celum assumpti creduntur: reliquorum tantum animæ, gloriâ fruuntur, non sine desiderio instaurandæ conjunctionis cum corporibus suis. Ergo regno gloriæ ad ultimam perfectionem adhuc deest, congregatio totius electorum catæ, quam necesse est, ut præcedat mortuorum resurrectio, quâ, qui



in pulvere terræ jam dormiunt, prodeant, sistantur ad Christi Regis & iudicis dextram, & lata sententia, in vitam æternam, & gloriosas cæli sedes, introducantur. Quo demum die, (qui humano calculo definiti nequit, licet plurimi sapius id facere sint conati) omnium piorum votis ardentè exoptato, regnum gloria per omnes partes, plenè, & instituetur, & manifestabitur; morte, hostium novissimo, prorsus, ne electos amplius infestet, abolito. Satana, ejusque toto regno sub electorum pedibus per omnia contrito, corporibus rursus vivificatis, iisdemque, post iteratam cum animabus copulationem, & admirandam eorum ad similitudinem corporis Christi *μπαρχωματα* in plenam possessionem hereditatis *τῆς ἀφθάτου, ἡ ἀμάρταν* quæ nobis in cælo reposita est, translatis. Philip. 3. vers. 20. & seqq. Colof. 3. vers. 4. 1. Pet. 1. vers. 4. *ubi electi finem invenient desideriorum suorum, Deum, qui sine fine videbitur.* (Sunt verba Augustini, quibus incomparabile opus viginti duorum librorum de Civitate Dei devotissimè claudit.) *sine fastidio amabitur, sine defatigatione laudabitur, ubi non solum spiritum, sed etiam corporibus beati, racabimus & videbimus, videbimus & amabimus, amabimus & laudabimus, hoc erit in in fine sine fine, nullus alius noster finis, nisi pervenire ad regnum, cuius nullus est finis.*

Locus,

§. 39. *Locus* (vocabulo latius sumpto) *regni gloria*, ubi sc. Rex Christus, cum æterno Patre & Spiritu Sancto gloriam suam electis plenè manifestabit, ita ut ille cum istis, & hi cum illo, æternum in gloria & beatitudine habitent, ille se, de facie ad faciem hisce contemplandum videndumque præbeat, hi illum, sine fine intueantur, atque ita inde incredibili lætitia impleantur, qui & qualis sit, non definimus, cuius rei neque nobis à Deo, qui eundem per omnia non revelavit, potestas facta est. Intolerabilis audaciæ est, confidenter scribere, *locum illum esse corporeum & circumscriptum spatium, supra firmamentum localiter fixum, sive lucidissimum & amplissimum domicilium, assestabiles calos proximè ambiens, in quo sint locales mansiones, & distincta habitacula, alia alijs superiora, in quibus Rex gloria Christus, cum electis gloria civibus, corporali modo stet, sedeat, ambulet, prout ipsi placeat.* Quæ Calvinianorum, Scholasticorum Pontificiorum vestigia sequen-



quentium, puerilis est sententia. Conf. Martyr. dialog. de pan-  
tach. Ursinum in compend. doctrinae Christianae, pag. 345.  
Sohn. disp. de creat. tom. 1. pag. 114. Martin. incis. pag. 36. Non  
nescimus, locum regni gloriae, domum Patris, Paradisum, sinum  
Abrahae, regionem viventium, aeterna tabernacula, templum & ta-  
bernaculum Dei, domicilia non manu facta, aeternum in caelo domici-  
lium, quod è caelo est, montem Domini, civitatem sanctam, Ierusalem,  
fundamenta sua habentem, Patriam, in sacris literis dici: At sen-  
timus, gravibus adducti rationibus, quod, quemadmodum  
Spiritus Sanctus, vocabulis è communi vita desumptis, & res  
corporales propriè significantibus, spiritualia in regno gratiae  
beneficia creberrimè describit, sic etiam iisdem gloriosae vitae fu-  
turae statum, aliquo modo adumbret. nec velit, ut verbis rebus-  
que corporalibus, conceptu nostro inhareamus, sed ipsi, nobis  
condescendenti, coascendamus, atque omnia, quae ex naturâ & re-  
bus terrenis petita sunt, *ὡς ἀσχηματιστοῦς, & ὡς παρρησιασθεῖς* intelligamus.  
Unde, sicuti certis Scripturae locis, vocabula à rebus huius seculi  
sumpta, ad gloriae regnum adhibet, ita alibi expressè eadem re-  
mouet, id quod vel ex verbis Christi, à nobis supra explicatis, &  
cum Rom. 14. vers. 17. collatis, clarum est. Dicit Christus ad  
discipulos: *Dispono vobis regnum, ut edatis & bibatis.* At Aposto-  
lus loc. cit. è contrario, *non est cibum, inquit, aut potus regnum Dei,*  
non ut Christo contradicat, sed ut verba Christi à corporali sen-  
su repurget, ac mentes ad caelestia, quae omnem naturae huius  
rationem superant, evehat, licet ea in his terris comprehendere  
animus humanus non possit. Nam, *quae est idoneus,* inquit Au-  
gust. tract. III. super Johann. loca ista, *vel quae sunt in locis istis suis  
spaciosis capacitatibus, & sine corporeis motibus cogitare?* Et in ex-  
plicat. verbor. Christi, Volo ut ubi ego sum, & illi sint mecum:  
*Abscedat ab animo, omnis imaginum corporalium cogitatio: quicquid  
menti occurrerit, longum, latum, crassum, qualibet luce corporea colo-  
ratum, per qualibet locorum spacia sive finita, sive infinita diffusum.  
Ab his omnibus, quantum potest aciem suae contemplationis vel inten-  
tionis avertat.* Conf. D. Gerhard. de V. Aetern. §. 170. & seqq.  
Non interim negamus, quod beatae regni gloriae sedes sintalicu-  
bi, & quidem reuera à damnatorum lqualidissimo carcere di-  
stinctæ.



stinde, ita ut inter illas & hunc, magnum *χάσμα* sit firmatum.  
 Luc. 16. vers. 26. Ac prorsus alienissimus ab illorum opinione,  
 qui statuunt, regnum gloria esse ubiq; atq; omnibus locis ubi p̄ homi-  
 nes morantur. Alieni imprimis, à deliriis Valentini Weigelij  
 qui tractat. Germanic. Vom Orth der Welt / cap. 14. cujus titu-  
 lus: Wie es sey vor der Welt schöpfung / in der Welt / vnd nach  
 zerbrechung der Welt / vnd wo ich das Paradiß oder Christus in-  
 finden seye / auch was Himmel vnd Höll seyn / vnd wo unser Bai-  
 terland seye / scribit. Es wird seyn nach zerbrechung der Welt /  
 eine ewige Welt / ohne ende / darinn werden seyn / die Seligen vnd  
 Verdampften / die Engel vnd Teuffel / wie auff ein Platz beyeinan-  
 der / oder auff einen Sahl seyn möchten / fröhliche vnd trawrige / dan-  
 zende vnd weinende / hungerige vnd satte / schöne vnd greuliche /  
 gesunde vnd franche / blinde vnd sehende / starke vnd schwache &c.  
 Conf. cap. seqq. ubi id genus plura fanaticus dictator promit.  
 Improbamus talia, & quocumque nos Spiritus Sanctus digito  
 suo ducit, sequimur, firmiter credentes gloria locū in quo cum  
 Christo electi regnabunt, certū paratum, & ab infernali carce-  
 re, separatum esse, interim ad p̄x antiquitatis Exempla & mo-  
 nita, secreta illa non curiosè, extra, ultra, citra sacras literas dis-  
 cutimus, ex conspectu removentes, quicquid rationis conce-  
 ptus ex se subministrat, donec ad ipsius Dei conspectum ad-  
 missi, omnia coram videamus, & gaudij loco æternum frua-  
 mur.

Cognata, §. 40. *Inter cognata* hujus regni Christi, numeramus *infi-*  
*gnos* ejus, ut exinaniti, ita exaltati, *typos*. Iosaphum, qui ut Moles  
 Gen. 41. vers. 14. & seqq. commemorat, è carcere eductus, factus  
 est à Rege Pharaone secundus, Regio palatio, & omnibus regni nego-  
 tiis p̄fectus, ut universus Egypti populus, eum mandata, cum venera-  
 zione humili exciperet: accipit in signum plenissima potestatem, annu-  
 lum, vestitus stola byssina, & torque aurea, curru Regis relictus est, ex-  
 clamatum à pracone ut omnes coram eo genua flecterent &c. Quæ  
 omnia Christum gloriæ Regem suo tempore exaltandum, veluti  
 in theatrum duxerunt, completa ipso opere, quando æternus  
 Pater, eundem post humiliationem usq; ad mortem crucis, exalta-  
 vit, & nomen ipsi dedit super omne nomen, ut in nemine eius flecta-  
 tur



per omne genus, celestium, terrestrium, & inferorum &c. Phil. 2.  
v. 9. 10. Quanquam in eo amplior Christi quam Iosephi gloria,  
quod non à Deo maiestate secundus, sed ipse Dominus factus est,  
Act. 2. 36. in ipso maiestati divina, non aliquo inferiori throno col-  
locatus. Hebr. 12. vers. 2. Davidem, qui & ipse, post plurimum an-  
norum pericula, exilia, varias calamitates, sublato Saule, ad  
Regni administrationem, ad quam jam pridem unctus fuerat,  
applaudentibus magno numero, ex omnibus tribubus Israëliti-  
cis, erectus est, & gloriose regnavit: consecutus à Deo nomen  
grande, juxta nomen magnorum, qui sunt in terrâ. 2 Sam. 7. vers. 2.  
Quo modo eundem Christum, Dei & suum Filium, ejusque re-  
gnum adumbrasse, ex collatione, quam quisvis facile instituere  
potest, manifestum est. Addi potest gloriola μεταμόρφωσις Chri-  
sti, in monte Thabor, de qua supra §. 25. ubi subito τὸ ὄψος αὐτοῦ  
ἐγένετο ὡς ἡλιος, facies splenduit sicut sol. Luc. 9. vers. 29.  
Matth. 17. v. 1. Vestimenta facta sunt candida nimis, sicut nix, &c.  
Vocati è cœli sedibus in colloquium Moses & Elias, ipsi quoque  
ἐκ τῶν νεφελῶν apparentes, quæ omnia gloriosi regni Christi quandam  
ἀντιτύπην præbuerunt.

§. 41. Oppugnatores sunt hujus regni Christi atq; hostes, Pugnātia.  
quotquot ipsum vel prorsus negant, vel quovis modo, sanam  
de eo doctrinam corrumpunt. Illud à Judæis olim, statim post-  
quam Christus in gloriam ingressus est, factum: Unde Aposto-  
los, de eo ex mortuis resuscitato, sublato in cœlum, ad dextram  
Patris gloriose sedente, publicè verba facientes, & ad fidem in i-  
psum, populum exhortantes, objurgarunt, in vincula conje-  
cerunt, flagellarunt. Act. 4. vers. 1. seqq. cap. 5. vers. 26. seqq. id-  
que unice egerunt, ut quæcunque ab Apostolis de Christo exal-  
tato Rege dicerentur, eorum fabulas, & figmenta esse, quibus  
nihil veritatis subesset, populo persuaderent. Hoc hodieque fa-  
ciunt Photiniani, Christi gloriosi Regis proximi à Judæis hostes,  
qui tamen splendide, integrum librum, de exaltatione & maiestate,  
Bon der Göttlichen Hoheit Jesu Christi, loquantur, ipso tamen  
opere, blasphemi ejus, quantum in se, sunt oppressores: eò,  
quod non naturā, sed nomine tantum atque officio, adeoque  
Deum factum, esse Christum, pertinaciter tradunt; quin & re-  
gnum

H

gnum



gnum ejus restringunt, ac æternum quidem Patrem, in omnia absolute, non autem etiam Christum, imperium exercere aperiunt. Faciunt Pontificij, qui inter alia, quæ Christo Regi ejusque gloriæ propria sunt, Pontifici Romano adtribunt, nominatim verba, Pl. 8. vers. 7. & 8. *Omnia subiecisti sub pedibus ejus, oves & boves universos, insuper & pecora campi.* Conf. Recusationem Concil. Trid. pag. 270. & 310. Faciunt Calviniani, qui hypothesebus suis, de duplici throno, &c. ex negatione infinitæ majestatis, Christo juxta humanam naturam communicatæ, ortis, ejus gloriæ, non uno modo violent. Faciunt Chiliaſta, in varias sectas dissecti, quorum dogma est: *Christum ante diem novissimum, è cælo in terram reditum, pios defunctos resuscitaturum, ac cum illis, ut etiam his, quos vivos inveniet, oppressis omnibus impij, vitam corporalibus deliciis abundantem, per mille annos in hac vita exaltaturum, inchoato terreno corporali & visibili regno, & finitu demum mille annu, consummationem seculi, & universalem omnium resurrectionem, esse secuturam:* Vide D. Gerhard. de consummat. seculi, §. 67. & seqq. Quod etiam referendi, qui circa tempus manifestationis & inchoationis perfectæ gloriæ regni, curiositati suæ nimium indulgent, & certum seculum, lustrum, annum, mensem, diem, horam, definire audent, contra expressam Christi prohibitionem. Act. 1. vers. 7. *Non est vestrum, nosse tempora & momenta quæ Pater posuit in sua potestate.* Referendi etiam huc omnes, qui securitati & voluptatibus carnalibus dediti, inimici sunt uti crucis, sic & gloriæ Christi, Philip. 3. vers. 18. *ridentes, quicquid de glorioso Christi adventu audiunt & dicentes, ubi est promissio & adventus eius?* 2. Pet. 3. v. 6.

§. 42. Definitionem officii Regii gloriosi, ex superioribus damus talem: *Officium Christi Regium, in regno gloriæ, functio est, quæ Christus θεσπετης, qui juxta divinam naturam æqualis cum æterno Patri & Spiritu Sancto, æternæque maiestati & gloriæ, cum eodem à mundi Origine gloriose regnavit, in temporu plenitudine, etiam juxta humanam naturam ex æterno SS. Trinitatu consilio, formâ servili, in quâ usque ad mortem crucis, sese humiliarat, deposita, in gloriam ingressus est, & iam juxta utramque naturam, in cælesti domitili sedibus, cum Angelis, cum beatis hominum electorum animabus, nec non his, quos cum ante sui incarnationem assumpsit, cum post resurrectionem*



78  
mem suam à mortuis, excitatos, in ascensione ad cælos, secum deduxit,  
visibiliter adest, eosq, immediate, cælesti lætitiâ, gaudio, aliq, bonu,  
nobis ineffabilibus, implet, venturus, constituto die, sedens super thronu  
num gloria suo ac omnes electos, corporibus ipsorum, quæ dor-  
munt, cum animabus suis copulatis, & ad similitudinem corporu sui  
clarificati conformatu, in gloriosas æterna vitæ mansiones, inter tri-  
umphos & gubila introducturus, ut sine fine cum Patre & Spiritu  
Santo, isdem sese de facie ad faciem videndum prabeat, eosq,  
omni beatitudine in regno gratiæ promissâ, æter-  
num cumulet & coronet.

EXIMIO

Dn. M. RESPONDENTI!


POst linguas Orientis, acumina docta sophiæ,  
Et apparatus plurimæ scientiæ,  
Instructus, FRIDERICE scholas intrare sacratas  
Ausus, citato promoves vestigio.  
Præsidis illis accessit lumen avitum;  
Exempla subdunt calcar & domestica,  
Principibus cum laude Viris, FRIDERICE, placebis:  
Sic gloriæ defenditur regnum bene!

*scrib. amoris immemorsynon*

Joh. Georg Dorscheus, D.

*Eidem*





Eidem Præcellenti Dn. Respond, Amico  
dilectissimo.


**I**ncluta si domus est, quam clara ab hoste trophæa,  
Servati regni, quam decor alta canunt.  
Nobilior quantò domus est, quam laurea sacra,  
De Christi claram tartareo hoste facit.  
**HEILBRVNNERE**, Tuilaris hæc est gloria! quam Tu  
**SPES GENEROS** Acanes, condecorabis, ales.

F.


Joh. Conradus Dannhauer/  
SS. Theol. D. Prof. & Ecclesiastes

**F I N I S.**
















005647-234

005647-234  
L 005647-238  
005647-24



